



服部文庫
117
86
3



117
86
3

現邪代醉編卷之五



姑蘇張鼎思睿父父輯

會稽馬邦良君遂父校

姓名隱僻

餘冬序錄藝苑卮言載古人隱僻姓名已詳偶有所得
補之天皇氏姓望名獲字子閏地皇氏姓岳名鑑字子
元秦皇氏姓愷名胡洮字文生黃帝母曰附寶太電繞
北斗樞星感之而孕二十四月而生黃帝俱見路紀堯
母曰陳豐見律歷志伶倫號洪崖先生姓張氏見列仙
傳瞽瞍妻曰握登見大虹意感而生舜於挑墟亦見路

紀異說云瞽瞍夫婦凶頑而生舜叔梁紇淫夫也徵在
失行也加又野合而生仲尼焉在其有胎教也余謂野
合之事不必辯若舜母嚚乃是後母今日曰生舜不幾於
誣握登耶舜妹名穀手見漢表舜三妃名少暋羅泌云
舜三妃矣比氏生二女一曰宵明一曰燭光鯀一名白
馬見山海經稷名棄字度辰見路紀商均名義均召公
一名醜或曰奭乃其字夷齊之名已不必紀其父名初
字子朝中子名遠字公望見夷齊志庖言云字伯遼見
周曇詠史詩又夷齊姓墨台氏故父為墨台初庖言云
姓墨名台見孔叢子註似誤伍子胥亦曰申胥見左傳
申包胥亦曰琴肩勃蘇見戰國策徐偃王初名偃後名
弓文種字禽見呂覽高誘註子路之子仲子崔見師覺
獲孝子傳申棖字子績林放字子企見孔子通紀朱張
字子弓王弼注曾子之子元申子張之子祥子游之子
思俱見檀弓王吉曰吾非曾參子非華元豈華即申字
乎抑曾子有三子也南宮适一名縉又名閱閱或作說
見論語疏王良字子期見韓非子杜預注左傳以良為
郵無恤顏師古曰郵無恤郵良劉無止王良摠一人也
見王褒傳註張晏曰王良字伯樂隋侯入齊救蛇得珠
者姓祝名元暢見孟子疏田文號孟嘗君孟字嘗邑名

見調言孟母姓仇氏父名彥璞見尾釜漫記孟子字孔
叢子云子車注一作子居居貧坎軻故名軻字子居傳
子云字子輿穀梁子或以為名赤或以為名傲見困學
紀聞翁仲姓阮始皇時交趾人見近峯聞畧又謝承後
漢書云銅人翁仲其名也田生字子春見楚漢春秋劉
澤傳見謁者張卿諷后立澤為琅邪王者是也漢武帝
初名吉王夫人十四月而生武帝景帝曰吾夢紫氣化
為赤龍占者以為吉可名之吉見漢武內傳然則徹又
其改名也人知昭帝十四月生不知武帝亦然蕭何夫
人封侯者名祿母同見年表北地都尉印姓孫徐廣云
姓段丁外人字少君俱見漢書註王莽天水人字稚叔
非新莽也見調言龍伯高名述京兆人范丹初名冉見
本傳華佗一名專見方術傳楊太真名玉環安祿山本
名軻華山楊國忠本姓張易之子也見楊妃外傳房玄
齡名喬高士廉名儉唐僧一行姓張名遂見大唐新語
李陽水字少温見宣和書補吳子行云陽水乃李潮之
字非也顏師古名籀姚令威西溪叢語曰顏師古攷謬
正俗云或問有稱字而不稱名者何也曰考諸典故以
名稱為是師古立論如此而乃以字行不可曉也

史記禹名文命孔安國曰名禹張宴曰字禹世本曰鯀

娶有辛氏女謂之曰女志是生高密則高密又為禹之名矣宋忠曰高密禹所封國世紀曰蘇妻修已見流星貫昂夢接意感又吞神珠薏苡而生禹名文命字密藝苑卮言又云成湯字高密見帝王世紀未知孰是墨翟之兄名緩皆鄭人也見莊子緩為儒而翟為墨余嘗謂孟子楊朱墨翟之言盈天下楊姓也墨非姓也墨與儒對使謂翟姓墨則緩豈亦姓儒耶且墨亦非始於翟特墨之道自翟而益擴故人但稱墨翟耳不然儒亦豈始於緩耶○楊子之弟名布見列子達巷黨人姓項名橐見漢書董仲舒傳孟康註

伊尹母侏氏見史商紀註有侏氏女得嬰兒於空桑後居伊水命曰伊尹○公孫龍字子秉列子儒墨楊秉四老君母洪氏見酉陽雜俎

卮言漢高祖父名嵩見後漢書註又名煜字執嘉見皇甫謐帝王世紀昭靈后名含見史記註按史記註索隱曰皇甫謐云大公名執嘉王符云大公名嫫與湍同音則皇甫謐無名煜之說又索隱曰皇甫謐云媪蓋姓王氏亦無名含之文弇州先生或別有得而記之不真也師古曰皇甫謐等妄引讖記好奇騁博強為高祖父母名字皆非正史所說蓋無取焉寧有劉媪本姓實存史

遷肯不詳載斯言得之○馬大年著懶真子謂漢初賁
略故太公無名母媪無姓○洪适曰漢高祖父曰太公
母曰媪見於史者如是而已皇甫謐王符始撰為奇語
云太公名執嘉又名媪媪姓王氏唐洪文館學士司馬
正作史記索隱云母温氏是時打得班固泗水亭長古
石牌文其字分明作温云與賈應復徐彥伯魏奉古等
執對反覆深歎古人未聞聊記異見予切謂固果有此
明證何不載之於漢紀疑亦後世好事者如皇甫之徒
所增加耳又嘗在嶺外見康州龍媪廟碑亦云姓温氏
則指媪為温者不一也唐小說纂異記載三史王生醉
入高祖廟見高祖云朕之中外泗州亭長碑昭然具載
外族温氏盖不根妄誕之說云

呂后父呂公名文字叔平見相經註

四皓之名見於法言漢書樂書多不同前輩常辨之王
元之在汝日以詩寄畢文簡曰未必頸如樗里子定應
頭似夏黃公文簡謂綺里季夏當為一人黃公則別一
人也杜詩云黃綺終辭漢王逸少有尚想黃綺帖陶詩
云黃綺之南山又云且當從黃綺南史阮孝緒辭梁武
之召云周德雖興夷齊不厭薇蕨漢道方盛黃綺無間
山林蓋各以首一字呼之於是元之遂改此句後皆以

文簡為據然漢刻四皓神座一曰園公二曰綺里季三
曰夏黃公四曰角里先生按三輔舊事云漢惠帝為四
皓作碑當時所鐫必無誤書然則元之所作非誤也蓋
昔人論四皓或云園綺或云綺夏亦未必盡舉首一字
或淵明自讀作綺里季夏不可知周熒曰追綺里之迹
世說曰綺里東園公夏黃公角里先生謂之四皓姓書
有綺里先生季其字也然則謂夏黃公益可信矣按風
俗通楚鬻熊之後為園鄭穆公之子園其後為姓至秦
博士逃難乃改為園陳留風俗記乃園稱所撰蓋園公
自是秦博士周庚以嘗居園中故謂之園公陳留志謂
園公名秉字宣明蔡伯喈集有園典魏有園文生皆其
後也古字祿與角通用故樂書作觶鄭康成於禮書角
皆作祿陳留志則又作角李涪常辨之矣然史記留侯
世家註云東園公姓唐以居園中因以為號夏黃公姓
崔字少通齊人隱居夏里故號夏黃公角里先生河內
人太伯之後姓周名術字元道京師號曰霸上先生一
曰角里先生此又何耶又吳俗紀云先生吳人姓周氏
今太湖中有角里村角頭寨即先生迹秦聘之地韓詩
虎有瓜弓牛有角虎可搏兮牛可觸蔡氏注云角觸協
音也淳化中崔倓判國子監有字學大宗問曰李覺

常言四皓中一人姓角或云用上加一撇或云用上加
 一點果何音倭佺曰臣聞刀下用乃權音兩點下用乃
 鹿音一撇一點俱不成字然則用里作用亦非也後漢
 有角善叔乃讀作覺音何耶齊東野語愚竊疑四皓高飛遐
 翥未必肯為太子出及讀短長說建成侯招四皓委髮
 蛻卧詳憊不屬曰老臣不足以辱太子使者庶無所之
 長安千里而遙老臣固道路之遺骨也且焉敢以子先
 父也使者三請不可乃返建成侯憂曰若之何更見番
 侯曰子為之號驚於市曰鶴也其曰非鶴而訛之者十
 九號山鷄於市曰鷺也其不即以為鷺而訛之者十不
 一也夫鶴恒見而鷺不恒見也四皓之辟世人久矣帝
 嚮者固高之特耳之耳建成侯曰請受教闕使者問狀
 貌所近而推得之舍人中老者為隱衣冠抵掌而談商
 山甚悉云云此言近實因錄之

宋陳紹初名詔淳祐中游上庠欲改名或言增損邊傍
 可也昔先聖本名兵已乃去其下二筆遂易今名登第
 先聖名兵不見他書可謂異聞矣因錄之癸辛雜志

淮南八公蘇飛李尚左吳田由雷被毛被伍被晉昌書

備數

危言彭祖姓錢名鏗見論語疏按史記註名翦為彭姓

則是彭祖以彭為姓而錢鏗為名也錢即翦音同
世嘗恨古人姓名不傳以愚觀之亦有姓名固是而求
之過者反晦之如接輿人言陸通愚以為非也接姓輿
名也漢有接昕接固姓耳長沮余亦以為姓長名沮也
高士傳言張良錐擊始皇改姓為長當時必有長姓故
良變之如無其姓而創姓為長是自明也○余嘗謂接
輿即是姓名取漢接昕為證然接姓實不始於漢莊子
有云季真之莫為接子之或使則戰國時已有此姓何
獨於輿而謂其非姓耶

漢有襄城侯桀龍雖胡姓然胡既有此姓安知中國無
此姓耶是桀溺亦未可謂非人姓名也說苑孟子云孔
子於衛主雍雎雍雎姓名也與癰疽聲相近趙岐傳誤
東坡曾考正之

東兮考補云伶氏伶倫之後東古簡字其名也而舊說
訓為簡傲猶易震用伐鬼方震乃摯伯名而訓為震揚
威武書巧言令色孔壬孔壬乃共工名而訓為包藏奸
惡皆不考詩傳考補老彭商賢大夫而註稱老聃彭祖賁
育孟賁夏育而廣韻以賁為姓云古有勇士賁育

嫦娥小字純孤見緯書鬱華赤文與日同居結鄰黃文
與月同居皆日月之神名見七聖記渦淮水神名無支

祈見異聞集律令雷部鬼神之名善走見道書揭諦神
名與龍角力龍不能勝破其山而去今破山寺是也見
中吳紀聞女夷春夏長養之神名淮南子女夷鼓歌以
司天和月中砍桂人名吳剛一云吳質西河入學仙有
過謫令伐桂桂高伍百丈隨創隨合出異書桃康丹田
下神名出道書錢鏗二子長名武次名夷見武夷山志
閻羅王二子長名江次名海見庚巳編纍祖黃帝子好
遠遊而死于道後人祭以為行神一云祖神名修共工
氏之子好遠遊舟車所至足跡所達靡不窮覽故祀為
祖神風俗通云祖祖也詩韓侯出祖左傳襄公夢周公
祖而遣之人身中有三尸上尸清姑中尸白姑下尸血
姑每月庚申甲子日言人過于上帝一曰三尸謂之三
彭上尸彭踞中尸彭曠下尸彭騰

髮神蒼華字大元腦神精根字泥丸眼神明上字英玄
鼻神玉隴字靈堅耳神空閑字幽田舌神通命字正倫
齒神号鋒字羅千心神丹元字守靈肺神皓華字虛成
肝神龍烟字含明腎神玄冥字育嬰脾神常在字寘停
膽神龍曜字威明見黃庭內景經又腦神曰覺元髮神
曰玄華目神曰虛監鼻神曰冲龍王舌神曰始梁見酉
陽襟俎

兩眉間却入一寸為明堂二寸為洞房三寸為泥丸上
 丹田宮也中有赤子字元先名帝鄉心中為絳宮中丹
 田宮也中有真人字子丹名光堅臍却入三寸為命門
 下丹田宮也中有嬰兒字九陽名玄谷皆長三寸同服
 赤幘赤衣赤履此三一也復守三一入室九思神定氣
 安仙道近矣見混元實錄 集異記灶神名

司刀鬼名聾一名滄耳漢舊史儼逐疫鬼又立桃人葦
 索滄耳虎等○族人炊古炊母之神名見郊祀志施糜
 粥之神見封禪書釜甑鬼名婆女凡遇釜鳴呼其名不
 可定廁神姓郭名登是遊天飛騎大殺將軍能賜灾福

二名見營造宅經與後五行雜書所記異

舟神名鴻耳見梁簡文船神記北戶錄又呼為孟公孟

姥古有輯濯丞即輯濯舟官名 七修○鴻耳
 危言作馮耳

蒼兕武王師及盟津師尚父左杖黃鉞右秉白茅以誓

曰蒼兕蒼兕馬融曰上舟楫官名索隱曰本或作蒼雉

水星姓湍名炎字神靈火姓炎名九鼎字光天木姓艾

名用字道輝金姓魯名遂字道璋土姓司名辨字道后

日姓孫名開字子真月姓唐名末字天賢計姓翁名若

字天真氣姓高名華字俊夫羅姓馬名玄字伯惟字姓

忠名炎字忠應此星家七曜之名也道家謂日姓張名

表字長史月姓文名申字子光與此不同七曜本無名也既強名為七曜矣又加之以姓名與字不亦贅乎然人生初亦何名之有既而有姓有名有字較近世則又有別號矣安知自今以後日月五星不為好事者加以別號耶

海神名馬銜一角而龍形江神名奇相東海神名禺強北海神名禺京南方神名延維驕山神名羅圍岐山神名涉巖村留神渭水便民橋神也摩醯首羅扶南國神也卑耳溪神曰俞兒桓公所見山精曰篋囊弓隆甲子神名也呼之入水不溺執明甲戌神名也呼之入火不

燒慶忌水精也彭侯木精也泰逢吉神也如人而虎尾

居和山五曲出入有光耕父居清冷之淵見則其國敗

語忘敬遺治產鬼名也臨產呼之吉惡祈居火神也婆

度風神也馮氏山齋襟錄

蘇利邪日神也蘇摩月神也負神魄氏宮長留之山主

司反景曰彘曰狻二人處東極隅以止日月使無相間

出沒山齋襟錄

晉咸康中有士人周謂者死而復生言天帝召見引升殿仰視帝面方一尺問左右曰是古張天帝耶答云上古天帝久已聖去此近曹明帝也然則天帝姓張又姓

曹若秦宓對張溫之言則是一時應答便給之詞雖讀之可喜非真姓也

諾臯記天翁姓張名堅字刺渴漁陽人少不羈常張羅得一白雀愛而養之夢天劉翁責怒每欲殺之白雀輒以報堅終莫能害天翁遂下觀之堅盛設賓主乃竊騎天翁車乘白龍振策登天天翁乘餘龍追之不及堅既到玄宮易百官杜塞北門封白雀為上卿劉翁失治徘徊五岳作災堅患之以為太山太守主生死之籍此荒唐語近戰國策叢神之說

河苗東方青帝神名靈威仰南方赤帝神名赤嫫怒中央黃帝神名含樞紐西方白帝神名白招拒北方黑帝神名叶光記嘗讀道家玉訣經東方君姓爛諱開明字靈威仰南方君姓洞浮諱極炎字赤嫫弩中央君姓通班諱元氏字含樞紐西方君姓上金諱昌開字耀魄寶北方君姓黑節諱靈會字隱侯局東南中央同而西北異

吳使張溫來聘問秦宓曰天有頭乎宓曰有溫曰在何方宓曰詩云乃眷西顧以此推之在西方溫曰天有耳乎曰天處高而聽早詩云鶴鳴九臯聲聞于天溫曰天有足乎宓曰詩云天步艱難無足何以步之溫曰天有

姓乎宓曰姓劉何以然曰天子姓劉以此知之談資
危言載七政五嶽四瀆姓名余亦少補其缺今又得六
十花甲之名錄之

甲子元光 乙丑邴彰 丙寅劍昌 丁卯子方

戊辰生進 巳巳付弁 庚午紫方 辛未音父

壬申石嵩 癸酉倚迢 甲戌申光 乙亥玩進

丙子流霞 丁丑王眸 戊寅却心 巳卯那尼

庚辰耳子 辛巳元聲 壬午郡立 癸未歷廚

甲申琅琊 乙酉立之 丙戌鼓龍生 丁亥耶查

戊子證方 巳丑肯都 庚寅岑頑 辛卯棘心

壬辰契刻 癸巳背方 甲午麻角 乙未扶嚮

丙申石公 丁酉進鄉 戊戌九口 巳亥統高

庚子朱夫人 辛丑李方 壬寅迺穢 癸卯羅御

甲辰却催 乙巳索良 丙午壘穴 丁未挺濃

戊甲寅午 巳酉健木 庚戌載劫 辛亥揔失

壬子安去 癸丑道子 甲寅唱适 乙卯別狀

丙辰夫陰 丁巳天雄 戊午天賣 巳未退透

庚申惹来 辛酉義呼 壬戌高迪 癸亥奉子臨

要機

墳羊

季桓子穿井而獲土缶中有羊焉使人問仲尼曰穿井而獲狗何也孔子對曰以丘之所聞羊也土之恠曰墳羊然則夫子以為土無狗也按尸子曰地中有犬名地狼夏鼎志曰掘地得犬曰賈晉太興元四等年及隆安初皆于地中得犬使夫子而當其時誤對哉夫子又云木石之恠曰夔蝮蝮水之恠曰龍罔象而吳先主樟樹中斫之有物面似人而狗身陸敬叔曰按白澤圖云木之精曰彭侯狀如黑狗無尾可烹食之當是時夫子又當誤對也弁州○尸子曰地中有犬名曰地狼有人名曰無傷夏鼎志曰掘地得狗名曰賈掘地得豚名曰邪

掘地得人名曰聚聚無傷也元康中吳郡婁縣懷瑤家忽聞地中有犬子聲隱隱其上有小穿大如蟻以杖刺之入數尺覺有物乃掘視之得犬子雌雄各一目猶未開形大于常犬長老或云此名犀犬得之者令家富昌大興中吳郡府舍中又得二物如之其後太守張茂為吳興兵所殺見搜神記

恠神

東京賦曰捐魑魅散獠狂斬委蛇腦方良囚耕父於清冷溺女魃於神潢殘夔魑與罔象殪壘仲而殲游光注曰魑魅山澤之神委蛇大如車轂方良草澤神耕父女

駭皆旱鬼夔魑罔象木石之怪壅仲游光兄弟八人恒
 在人間作怪害也臣昭曰夔一足越人謂之山獠罔兩
 山精好學人聲而迷惑人罔象食人一名沐臙龍神物
 也非所常見故夫子曰水之怪龍罔象埤蒼曰獠狂無
 頭鬼○鬻子曰火精為游光金精為清明

逐疫神疫鬼名

黃門令奏曰依子備請逐疫於是中黃門倡依子和曰
 甲作食舛腓胄食虎雄伯食魅騰簡食不祥攬諸食咎
 伯竒食夢強梁祖門共食磔死寄生委隨食觀錯斷食
 巨窮竒騰根共食蠱凡使十二神追惡凶赫女軀拉女

幹節解女肉抽女肺腸女不急去後者為糧東漢書志

東王公名括西王母姓何氏字婉姪一字太虛見太平
 廣記又東王公名倪字君明西王母姓楊名回見酉陽
 雜俎又西王母姓緱氏女子之登仙得道者皆隸焉見
 雜仙錄又老君中經云東王父治在蓬萊山姓無為字
 君解西王母姓自然字君思下治崑崙之金城尹喜字
 公文號文始先生浮丘伯姓李徐福字君房三茅真君
 名盈字叔申李少君字雲翼張道陵字輔漢王方平名
 遠王子年名嘉韓湘子字清夫林靈素字通叟俱見列
 仙傳袁天剛師曰吳嶠雪溪人以中星不守太微知場

帝有嫌而告鄴令者也見龍城錄壺公姓施名存自號
婉盆子見真誥呂巖初名紹光亦見列仙傳魏夫人名
華存見夫人碑上元夫人名阿環見集仙傳青牛道士
姓封名君達見續博物志酺者人物災害之神祭畢而
合飲遂名為酺見周禮族師祭酺注紫姑神姓何名媚
字器卿自幼讀書唐垂拱三年壽陽刺史李景納為妾
妻妬殺之于廁時正月十五日也後遂顯靈云見顯異
錄又五行雜書廁神名後帝異苑云陶侃如廁見人自
云後帝着单衣平上幘謂侃曰三年莫說貴不可言

韓退之陸渾山火詩女丁夫壬傳世婚董彥遠曰玄冥
之子曰壬夫娶祝融之女曰丁芋俱學水仙是為溫泉
之神用修曰韓詩句奇董解又奇但不知所出今星命
家以丁壬為淫合其說亦古矣愚讀韓詩一本作女丁
婦壬傳世婚言女丁歸于壬為壬婦也句法更奇
藥王列仙傳韋善俊唐武后時京兆人長齋奉道法嘗
携黑犬名烏龍世謂為藥王云韓忠獻億年六七歲病
甚忽若張口飲藥狀曰有道士牽犬以藥飼我俄汗而
愈因畫像以祀之見桐陰舊話天門守衛張安道言舊
本國家秦章圖一名葛將軍一周將軍嘉祐初仁宗夢
至大野迷錯失道左右侍衛皆不復見既而遙望天際

有幡幢車騎乘雲而至護送帝至宮闕帝問何人答曰
葛將軍也令宮觀設像供事之見春明退朝錄

武陵漁人姓黃名道真見三洞群仙錄雍州巨靈大人
姓秦名洪海見三教感通錄

九華安妃名鬱寅字靈蕭九華侍郎馬成子見仙鑑九
華大仙田先生見廣記何仙姑姓趙名和一名何

蹇脩古女之能為媒者離騷解佩纒以結言兮吾令蹇
脩以為理注理為媒以通詞理也

赤松子姓黃名初平兄初起字魯班

作新豐者匠人胡寬制博山香爐者巧工丁緩作銅馬
以獻詔立魯班門外更門名為金馬門者善相馬者東

門京

又巧工名王爾本經訓公輸王爾無所錯其剗剗削鋸
注王爾古之巧匠

詹何娟嫒古之善釣者淮南子臨江而釣曠日而不能
盈羅雖有鈎鉞芒距微綸芳餌加之以詹何娟嫒之數
猶不能與網罟爭得也

讓而非禮者淮南子曰蒼吾統娶妻而美以讓兄此所
謂忠愛而不可行者也注蒼吾僂孔子時人

涓石梁好畏見已之影以為鬼而驚死

魯有恭士名曰汜行年七十其恭益甚冬日行陰夏日
行陽一食之間三起先賢傳

太公先娶馬氏家貧馬氏求去聽之後封營丘馬氏復
來太公覆水於地令收之曰覆水已難收矣此事偶見
一書錄之今忘其所出

黃公好謙女有國色而謙以為醜也女至難嫁有鰥夫
冒娶之則國色也始信黃公之謙續博物志

古之善識味者史兒易牙汜論訓曰史兒易牙淄澠之
水食者嘗一哈水如甘苦知矣

淮南子曰劍工惑劍之似莫邪者惟歐冶能名其種王
王眩王之似碧盧者惟猗頓不失其情又曰薛燭庸子
見若狐甲於劍而利鈍識矣注云薛齊邑燭庸氏子通
利劍按吳越春秋客有能相劍者名薛燭王以毫曹示
之燭曰非寶劍也王取巨闕燭曰非寶劍也王曰然巨
闕初成之時吾坐於露壇之上宮人有四駕白鹿而過
者車奔馬驚吾引劍而指之四駕上飛揚不知其絕也
穿銅釜絕鐵鑿胥中決如粢米故曰巨闕王取純鈞薛
燭聞之忽如敗有頃懼如悟下階而深惟簡衣而坐望
之手振拂揚其華粹如芙蓉始出觀其玠爛如列星之
行觀其光渾渾如水之溢於澹觀其斷巖巖如瓊石觀

其才煥煥如冰釋此所謂純鈞耶王曰是也觀此則薛
燭人姓名高誘註不合

善謳者秦青韓娥薛談侯同曼聲汎論訓不知音者之
歌也濁之則鬱而無轉清之則焦而不謳及至韓娥秦
青薛談之謳侯同曼聲之歌憤於志積於內盈而發音
則莫不比於律而和於人心注曼聲人名按莊子曼聲
長歌曼聲長哭似非人姓名

古之好書者名王壽道應訓王壽負書而行見徐馮於
周徐馮曰書古言之所出也言出於知者知者藏書於
是王壽乃焚書而舞之

以簞食壺漿與伍子胥而自沉江水女子姓史氏見應
天府志

夏后氏二美女茗華刻名琬琰王茗是琬華是琰及冢
瑣語
紂使囚文王於羑里者名屈商

烏獲藉蕃有力人淮南子今使烏獲藉蕃從後牽牛尾
尾絕而不從者逆也藉蕃不知何時人

馮夷大丙古之善御陰陽者淮南子馮夷大丙之御也
乘雲車入雲軿游微霧驚恍忽歷遠彌高以極徃經霜
雪而無跡照日光而無景扶搖挾抱羊角而上經紀山
川蹈騰崑崙排閭闔鑰天門○尹需亦善御者中夜夢

受秋駕於師高誘曰善御之術

又覽冥訓曰鉗且大丙之御騁若飛鷲若絕縱矢躡風
追姦歸忽朝發搏桑日入落棠注落棠山名

精衛炎帝少女名女娃遊於東海溺而不返故為精衛
常銜西山之木石以堙於東海

古女之能為媒者離騷解佩纒以結言兮吾令蹇脩以
為理注理為媒以通詞理也

鄭子真名朴閔仲叔名貢見高士傳

鬼谷子姓王名剛晉平公時人隱居鬼谷因以為號一
云即鬼史蒞

莊王燕羣臣燭滅牽美人衣而絕纓者姓蔣名雄見
羣談採餘

嫪毐姓劉名伯莊摺記毀即墨譽阿者名周破胡列女

按劉伯莊自是一人摺記室不知何所據然嫪本作嫪
音劉而後訛為嫪力報切或因此而悞耶

郎瑛曰言霍氏之禍者周生迎佛骨之僧名大達

華周名還杞梁名殖見左傳

東坡所交佛印禪師姓賈實進士而退之所交賈島亦
進士為僧號無本一號佛印見羣談採餘再詳之

金人粘罕兀朮皆以小字行粘罕名宗維兀朮名宗弼

見趙與時賓退錄

我朝陽明王先生初名雲以太夫人夢五色雲入懷而生也兩歲未言有一老僧以名露天機改今名遂言即不凡

吾蘇顧文康初名企一日鄉間儒生假宿于鄭文康公祠中似聞神語云明日狀元顧鼎臣來儒生謂庠中無此人早起忽見公入語以夢公曰吾正將易此名矣

危言子產一名美嘗讀梁溪漫志東坡和潛師放魚詩况逢孟簡對盧仝不怕校人欺子美或云子產非子美也曰左氏杜預注子產一字子美然則名美亦誤仲長續傳國子流遺愛之涕注子產卒仲尼聞之出涕曰古

之遺愛也國子即子產也鄭穆公子國之子因以為姓據此則子產可稱國子美矣○王伯厚曰古者孫以王父字為氏子產子國之子國語謂公孫成子左傳謂公孫僑此說誠是然胡致堂作子產傳亦稱國僑

東海孝婦長老傳云名用青用青將死車載十丈竹竿以懸五幡立誓於眾曰青若有罪願殺血當順下若枉死血當逆流既行刑其血青黃綠幡竹而上續搜神記

善行人名太章豎亥詳見首卷

雙糜醜人吳都賦雙糜之與子都又淮南子嫫母此惟

韓詩外傳客說春申君為賦曰璇玉瑤珠不知佩雜布
與錦不知異閭娵子都莫之媒嫫母力父是之喜

閭娵子奢莫之媒也荀子注閭娵古姜女楚詞七諫謂
閭娵為醜惡一名明娵無鹽亦醜人齊王后見別卷

敦洽讎糜亦醜人呂氏春秋敦洽讎糜雄額廣顏色如
淡頰垂眼臨鼻長肘而盤陳侯見而甚說之

庚肩吾樂大心单姓為姓複姓為名若闕門慶忌則姓
名皆複姓甚少其對偶思之義渠安國其一也

轅生名良見集古錄袁良碑云當秦之亂隱居河洛高
祖破項實從其冊天下既定還宅扶藥

何子容曰寤威淮南子作戊則知名威字戊也余疑威
與戊相似或字畫之訛耳當再攷

漢匈奴傳莽令中國不得有二名因使使者諷单于宜
上書慕化為一名按公羊傳哀公十三年晉魏多帥師
侵衛此晉魏曼多也曷為謂之晉魏多譏二名二名非
禮也然則複名原非古制漢紀昭帝名弗陵後改名弗
張宴曰以二名難諱故則前漢已重一名矣宋人云後
漢無複名然附傳多有之如孔僖二子長彥季彥是也
余謂不止此若廖扶二子孟舉偉舉亦是又按魏多左
傳原作魏曼多

復名者然僅載蘇不韋孔長彥兄弟劉駒駱丘季智張

孝仲范特祖召公子許偉康司馬子威十人而已考之

范畢書蓋不止此如延岑護軍鄧仲况見蘇竟傳鄭玄

師事京兆茅五元先又從東郡張恭祖玄之子名益恩

巨榮族人巨先諱陳忠薦士其一曰成翊世翊世字季

明見杜根傳後陳敬王曾孫寵傳注引謝承書袁術使

將張閻陽殺陳相駱俊梁冀之弟名不疑越雋太守李

文德素善延篤黨錮傳序有渤海公族進階注云公族

姓也名進階李膺欲按宛陵大姓羊元羣孔融傳有太

傅馬日碑皇甫嵩子名堅壽酷吏李章傳有安丘大姓

夏長思宦者曹節弟名破石王逸子名延壽字文考方

術傳謝夷吾字堯卿之類清源皆未及也他尚有之猶

恨不能盡記宿退

王楸曰歐公跋楊震碑陰曰此碑謂賈伯錡劉顯祖之

類凡若干人疑其所書皆字蓋後漢時人見於史傳者

無兩字名僕謂歐公不深考爾就傳攷之王延壽字文

考謝夷吾字堯卿郭延年字公游分明知為二名矣又

如薊子訓計子勳費長房皆非字也梁武碑言孝子仲

章季孫立孫子僑躬修孝道安有子孫于父祖墓碑中

稱字者

野客叢書

董奉德

任末傳

謝曼卿

衛宏傳

何子容曰陶淵明四八日後記云書籍所載及故老所傳善惡聞於世者盡于此矣漢稱田叔孟舒等十人及田橫兩客魯二儒史並失其名夫操行之難而姓名翳然所以撫卷長嘆不能已已者也靖節達士亦有意身後名乎夫古人行事見簡冊間不能舉其姓名者不可勝數季札之所見張溫之所遇彼自耻以名告趙孟之桑中伍胥之江上又有禁不肯相語者外黃之兒彭城之老徃徃邂逅失之孟獻之友三人秦廷之諫者二十人漢而下如南公董公吳公韓生鄧先輩豈皆不可

惜哉

漢陰老父者不知何許人也桓帝延熹中幸竟陵過雲夢臨沔水百姓莫不觀者有老父獨耕不輟尚書郎張溫異之下道百步自與言人皆來觀老父獨耕不輟何耶老父曰請問天下亂而立天子耶理而立天子耶立天子以父天下耶役天下以奉天子耶昔聖王宰世茅茨采椽而萬人以寧今子之君勞人自縱逸遊無忌吾為子羞之子何忍欲人觀之乎溫大慙問其姓名不告而去

東漢

陳留老父者不知何許人也桓帝世黨錮事起守外黃
令陳留張升去官歸鄉里道逢友人共班草而言升曰
德之不遇人之無援將性命之不免柰何因相抱而泣
老父趨而過之植其杖太息言曰吁二丈夫何泣之悲
也夫龍不隱鱗鳳不藏羽網羅高懸去將安所雖泣何
及乎二人欲與之語不顧而去莫知所終東漢何吏侍所
謂外黃之兒豈即張升所遇之老父耶

東漢又有野王二老光武遣鄧禹西征因于野王獵路
見二老即禽問曰禽何向並舉手西指此中多虎臣每
即禽虎亦即臣大王勿往也光武曰苟有其備虎亦何
患父曰何大王之謬耶昔湯即桀于鳴條而大城於亳
武王即紂於牧野而大城于邲邲彼二王者其備非不
深也是以即人者人亦即之雖有其備容可忽乎光武
悟其旨顧左右曰此隱者也將用之辭而去莫知所在
披裘公者吳人延陵季子出遊見道中有遺金時當五
月見披裘負薪顧令取彼金公投謙嘆曰五月披裘而
負薪豈取金者哉季子大驚問其姓名公曰吾子皮相
之士安足語姓名高士傳

小戴名聖字次君見儒林傳公孫聖見吳越春秋杜夫
子善奕者見西京雜記嚴夫子助之父徐聖與蘇武使

匈奴者俱見漢書張萬歲武后時人劉萬歲漢廣宗王
靈帝采女田聖

古人名子者自日月山川隱疾之外無不可名賈誼新
書衛文公朝周周行人問其名荅曰衛侯辟彊行人還
之曰啓彊辟彊天子之號諸侯弗得用衛侯更其名曰
燬然後授之此周惠王時事也然自古天子未聞有名
此者而春秋時有遠啓彊戰國時有齊王田辟彊亦未
聞有譏其僭也

漢書許峻字秀山李南字孝山有似今人之號者楊由
字哀侯則似謚矣魏文帝郭后少時父竒之曰此女中
王也遂字女王吉水彭氏兄弟敬占道術教以主一用
二貴三崇四敷五為字又有張用也孫繼兮險怪甚矣
揚用修曰史記註仲雍字熟哉隋人魏鸞字雙和崔挺
字雙根隋宗室楊綸字斌籍楊温字弘籍皆異字也唐
登科記韓湘字北渚則又似今人之號 魏相字弱翁
平帝時護羗校尉辛通長子字次兄

辛郁舊名太公太宗問曰辛太公何如舊太公郁曰舊
太公八十始遇文王臣今適年十八已遇陛下過之遠

矣命直史館

御史臺記

神和子姓屈突名無為字無不為

續博物志

清泰小字二十三蓋三月二十三日生也以是日為千
春節人臣奏對但云兩旬三日或數物則云二十二更
過二十四續博物志

三字名

用修云戰國人有董之繁菁董姓之繁菁三字其名也
複姓古有之三字名始見此余考春秋戰國時人名多
用之字如宮之竒燭之武南之威介之推不一而足原
非名也特取其便於讀耳董之繁菁或者亦此類歟莊
子厲之人夜半生子又以驪姬作驪之姬地名南沛作
南之沛呂覽於丹姬作丹之姬家語江津作江之津樂
濟桂樹作桂之樹中皆用一之字可互相發其實三字
名亦不始此令尹子文姓鬬名穀於菟則春秋時人也
○左傳介之推杜預註云之語助

誤名

淳熙丁未洪景廬知舉一考官大笑絕倒問之則云試
卷中有用董公遮說王事以公遮為董三老之名洪曰
其下無註文安知其非名邪旣撤棘有考官出道此語
邢巡舉曰洪非不知但惡後生輕薄故為此說耳其人
未諭邢曰不然則亞夫傳趙涉遮說將軍涉遮亦趙之
名乎坐客皆笑而罷坦齋通編

小名小字

古人有小名必有小字離騷名予曰正則兮字予曰靈均蓋屈子名原字平而正則靈均則小名小字也嘗見宋進士同年錄皆書小名小字猶存古人之意然亦有不盡然者如相如小名大子揚雄子小字童烏相如未聞其小字楊氏子未聞其小名今人生子亦但有小名而無小字唐陸魯望有小名錄宋陳思有小字錄及有所謂侍兒小名錄豈小名小字固可互稱耶都穆聽兩紀談

琅邪代醉編卷之五終

姑蘇張鼎思睿父父輯

雲間方應選衆父父校

同姓名

餘冬序錄藝苑卮言載同姓名者詳矣偶有所得者為補之

羅泌曰公孫弘王褒俱十有一張良有九而張敞王吉皆有八士句士鞅之父也而乃相鞅壽夢句吳之君也而乃臣越公孫龍為孔門高弟而顏回為晉代老師王羲之之事苻健張華之佐慕容德經史之間名氏同者

衆矣

公孫弘一在齊為孟嘗君見秦昭王一在中山為駱乘
言司馬喜相求一在越斷髮為王騎一漢武時平津侯
一明帝時幽州從事交通楚王英見于虞延一傳一北
齊濩澤縣公蓋得其六矣餘五人尚未考

王褒一漢武時作聖主得賢臣頌者字子淵一漢元時
為尚書左僕射一魏黃初三年武都西都尉王褒字偉
元獻石膽二十斤見博物志一周王褒字子深儉之曾
孫博覽史傳善草隸名亞蕭子雲入周仕至開府儀同
三司見周書一漢書成帝時鄭通里人王褒絳衣小冠
帶入北司馬門上前殿至非常室中解帷組結佩之召

前殿署長業等曰天帝令我居此業等收縛考問乃故
公車大誰卒病狂易不自知入宮下獄死又作雲陽記
者亦名王褒一漢鑄工見孝成鼎一真人按華蓋山真
君事蹟褒字子登安國侯陵七世孫少勤墳典大將軍
王鳳拜為從事不屈後浮丘伯授以五靈夜觀之道雲
琅冰霜之珍能飛行萬里受神策拜為太素清虛真人
作雲陽記者或即此乎蓋得其七矣餘四人尚未考○
胡應麟曰漢有二王褒一字子淵一字子登後周王褒
亦字子淵避高祖諱改子深然後漢祁祀志又有王褒

姓名非武元二帝以文學道術顯者是漢自有三王褒也按後漢無郊祀志但有祭祀志其中亦無王褒恐誤記也

張敞一宣帝時相一漢末朱登饋蟹者一晉恭帝時郎中令張禕父為吳國內史

張華晉惠時司空博物者一為慕容德侍郎勸德毋退讓者二又有安北將軍張華有知人之鑒慕容鹿童冠時嘗謁之嘆曰君必為命世之器因以所服簪幘遺之然則張華亦有三矣

三陸通一楚狂接輿見莊子疏一齊宣王少子名通封於平原陸鄉遂以地為姓我朝楊文貞為陸守道作傳謂為楚狂之後陸太常燦為其諸父禮部郎應龍作誌謂為宣王少子之後太常乃平原裔所引必有的據一後周文帝時陸通字仲明吳郡人大統元年封都昌侯討趙青雀有功復加大都督後賜姓部六孤氏進爵綏德郡公卒謚文安洞冥記陸通餌黃桂之酒者又不知何時人又或者其即楚狂歟不然通亦四矣

三王喬一葉令河東人鳧鳥及天墮玉棺者一蜀人食肉芝者一栢人令捷為武陽人栢人城西徐整碑銘曰上有壠務山王喬所仙裴秀冀州記曰緱氏仙人廟者

栢人令王喬是也若王子喬亦云登緹氏山亦云天墮

玉棺故漢書謂葉令王喬或云即古仙人王子喬未遽

信也余謂子喬乃周靈王太子晉則姓自從姬而謂之

王子者若曰周靈王之子也魏權音權務即鹿丘之鹿也

之精即○魏志王基封安樂鄉侯上疏求分封二百戶

賜叔父子喬爵關內侯以報叔父詔特聽之此又一王

喬也而非仙人合而考之是四王喬也若兼以子晉則

五王喬也或曰琅邪太原子晉之後

南齊武帝之子巴東王子響為荊州刺史要直閣將軍

董蠻與同行蠻曰殿下癩如雷敢相隨耶子響曰君敢

出此語亦復奇癩上聞而不悅曰人名蠻復何容得蘊

藉乃改為仲舒謂曰今日仲舒何如昔日仲舒答曰昔

日仲舒出自私庭今日仲舒降自先帝以此言之勝昔

遠矣此語與辛太公何如舊太公昔李膺何如今李膺

甚相似又蜀有青城山隱士曰董仲舒見樵秀蜀記

南齊劉宴與兄灑及江祐江祀同詣謝元暉元暉戲之

曰可謂帶二江之雙流唐有劉宴宋有劉宴嚴州人金

人犯京師以宴總遼東兵號赤心隊後追擊賊戚方于

宣城為賊所害

劉毅字仲雄武帝時為尚書左僕射一字希樂與劉裕

毅字仲雄

起義兵討桓玄為豫州刺史今刑部亦有劉毅

又考嚴光一名遵見光傳又顏師古地里志云嚴君平

名遵然則子陵君平皆名遵也偶讀福州府志長樂嚴

光陳大建初鑿田為湖溉四百餘頃為鄉人利豈慕桐

江之風而襲其名姓耶

漢唐俱有張說漢則安丘侯以司馬擊項羽以將軍定

代封侯唐則則天時燕公也宋張說淳熙中頗用事為

都承旨一日奏欲置酒延眾侍從上許之退而約客獨

兵部侍郎陳良佑不至說殊不平已而中使以上尊珍

膳至說為表謝因附奏奉旨集客良佑不至是違聖意

也夜漏將半忽報中批陳良佑除諫議大夫坐客方盡

權聞之撫然而罷

王楸曰漢刻中有鄭子真殘碑毀裂不容深考或者往

往疑為谷口鄭子真以僕考之鄭子真見於所載者有

二一即谷口一鄭玄之孫見真誥谷口者係哀平之世

鄭玄之孫計其時在三國而此碑乃靈帝熹平四年相

去俱遠乃知又別一人是所見三鄭子真也

王莽時有三王匡一莽子侍者增秩所生封建功公者

也一綠林盜江夏王匡號下江兵者也一為太師東方

語曰寧逢赤眉不逢太師太師尚可更始殺我是也

漢五斗米賊張魯父名衡道經作道陵之子魯之兄又作靈憲經者亦名張衡順帝時為太史令博物志載王介張衡馬均冒重霧早行一人無恙一人病一人死無恙者以飲酒病者以食死者以空腹此張衡又不知何

代人也

王介天中記作王肅

羅泌曰黃帝名軒轅而古有軒轅氏莊子論至德之世軒轅氏後乃有赫胥尊盧歷伏羲神農而至黃帝又幣款有黃帝金而又有軒轅金封禪大有軒轅氏而又有黃帝氏神農號炎帝而大庭氏亦號炎帝大庭在包羲氏後粟陸赫胥之前都于曲阜故曾有大庭氏之庫後世因謂神農都魯妄也外紀之說益誤

羅泌曰人知孔子謚文宣王而不知齊竟陵王子良與隋之長孫雅亦曰文宣王古有唐堯虞舜及撫梁史則又有所謂虞舜者官太常寺常薦明堂之議而漢更有唐堯為臨武長堯舜而可名哉羅莘曰虞舜即虞瞬又東觀紀絜舜同名錄作虞舜唐堯即諫止貢荔支者然桂陽志中作唐羗疑後人惡其僭而易之也

又曰有庸成氏而黃帝臣亦曰庸成伏羲曰蒼牙而天雷之吏亦曰蒼牙羲臣曰巫咸而來入商家白帝曰朱宣而為唐刺漢離婁事黃帝則論彼商臣張事黃

帝則指夫秦士趙隱事商國而亟舉魏賢馮夷友費昌而竟談河伯觀叔均而思稷子見習朋而疑齊臣贊風后為軒師說伍胥為楚族季連為柳惠等伍仲行為孟戲之弟而孔甲為孔子之孫皆錯於見聞者也羅莘曰庸成或皆作容黃帝時庸成公自稱黃帝師秦張即蜀郡太守與張儀共築成都城者趙隱魏黃門遷秘書監見魚豢典略又唐宰相趙隱以大中三年登第見唐登科記馮夷即武王伐商問兩日鬪者山海經商均曰叔均后稷之孫亦曰叔均習朋黃帝臣見洽聞記作隰季連陸終之子又李克子亦曰季連仲行紂之兄孔甲黃帝史官而孔子八世孫鮒亦曰孔甲又夏后孔甲鬻熊周文王師楚之祖也唐玄宗天寶六載詔祀夏禹於安邑以宗伯鬻熊秩宗伯夷配然則禹時已有鬻熊也

論語琴張左傳亦有琴張王應麟曰論語注謂子張善鼓琴可發一笑

同時同姓名

春秋哀公時兩公孫揮一鄭行人子羽一哀公時齊大夫與吳戰艾陵者

兩行人子羽一鄭公孫揮一衛大夫勸衛侯不會吳者

在哀十二年

定公時兩王孫賈一從楚昭王出奔有大功者一衛大夫問媚竈者

齊莊公時兩賈舉一侍人崔子弒公一公所嬖死于崔子之難

漢兩杜延年一杜周子諫議大夫誅上官桀者一謁者與上官桀同謀者見昭紀

兩王霸俱世祖時一見逸民傳乃太原廣武人一即渡河冰合封淮陰侯者

兩劉歆一向子為莽國師新嘉伯一封祁烈伯奉顓頊

順帝遣光祿大夫張綱等八人分行州郡班宣風化是歲廣陵太守降賊張嬰等亦名張綱

學齋佔俾云論語有兩南宮适晉兩周撫同時一為彭城內史反見誅見紀而無傳一為王處仲將有傳兩孫秀一為吳降將見賈充傳一為趙王倫嬖人見陶侃傳兩周訪時有與訪同姓名者罪當死吏誤收訪訪奮擊之吏皆走見本傳

後漢玄菟太守公孫域子名豹年十八死公孫度初名豹又與域子同年域見親哀之遣就師學為娶妻後為

遼東太守

唐相李珣節制淮南夜夢入洞府見石壁光瑩填金書字列人姓名內有李珣珣自喜我仙人也頃有仙童出謂之曰此姓名非相公也乃相公江南部民也及曉訪之得珣於市販中珣販糴人有糴者即授以斗升俾之自量每斗求利兩文以資父母用以公平故獲名仙籍時因節制同名改名為寬後尸解見續仙傳

國初兩郭子興一封滁陽王乃太祖初起兵之外父

遠定人也功臣郭子興則封鞏昌侯者也其弟英亦以

開國功封武定侯今子孫世襲事實見功臣錄紕我吳

世廟時章中丞煥計偕夢對鏡鏡中人語云我中則汝

中寤而不樂謂鏡中人虛耳後放榜中兩章煥闕中解

頭洪世遷夢神人語云今科中者洪世武也寤亟改名

世武後中洪世武則嶺南人夢神之巧如此因論同姓

名者附述之

杭州舉人張洽未中進士時一日照鏡見鏡中之貌另

一人也口云有尔有我無尔無我驚以語人莫知也明

年辛丑赴部中途偶與一舉人同車想像似鏡中所見

問其姓名又同乃會稽張洽也遂言前事二人遂以此

行中否必同及揭曉果皆甲榜杭者選南部主事而會

時憲、羽、漢、書、項、籍、傳、曰、羽、擊、陳、留、外、黃、外、黃、不、下、數、
日、降、羽、悉、令、男、子、年、十、三、往、說、羽、曰、以、擊、上、越、強、劫、外、欲、外、
令、且、舍、人、待、兒、大、王、大、王、至、又、皆、曰、彭、越、百、姓、豈、外、有、黃、外、之、
故、且、降、人、待、兒、大、王、大、王、至、又、皆、曰、彭、越、百、姓、豈、外、有、黃、外、之、
乃、從、此、以、東、梁、地、十、餘、城、皆、恐、莫、之、肯、下、矣、羽、然、其、歸、心、
父、令、赦、外、黃、當、此、者、而、東、至、睢、陽、聞、之、皆、下、矣、羽、然、其、歸、心、
老、父、也、何、子、容、所、謂、外、黃、瓚、之、兒、即、此、非、謂、張、升、所、遇、之、

稽選此道不二年杭者死於任而會稽死于家因思此與唐之宰相宋璟每每鏡中見有相字者相同此真可謂怪也

余偶錄同姓名者如左亦據其顯者其他豈能悉數哉昔賈彪為新息長小民貧困多不養子彪嚴為其制與殺人同罪數年間人養子以千數曰此賈父所生也皆名為賈即此而觀當時新息凡姓陳者皆為陳賈姓須者皆為須賈姓王孫者皆為王孫賈矣可盡述哉

同時同姓字

漢陳遵字孟公所到衣冠皆懷之惟恐在後時列侯有與遵同姓字者每至人門曰陳孟公坐中莫不震動既至而非因號其人為陳驚坐云

杜欽字子夏茂陵杜鄴與同姓字俱以才能稱京師而欽目偏盲人因謂欽為盲子夏欽乃為小冠高廣財二寸由是京師更謂欽為小冠子夏而鄴為大冠子夏云宋有陳遵夢小兒援衣而活其外甥秦光亨於水盆中者詳畫永編王僧虔名畫錄遵畫篆書每至一坐皆驚人謂為陳驚坐

同代同姓名

范曄傳曄入秦變姓名為張祿學者蓋不知秦先時自

有張祿也初孟嘗君柄齊悅張祿先生之教奉之黃金百斤文織百純祿辭而不受他日謂孟嘗君曰夫秦四塞國也遊宦者不得入焉願君為我為丈尺之書寄我於秦王我往而遇乎固君之入也往而不遇乎雖人求間謀固不遇矣孟嘗君曰敬聞命因為書寄之秦王往而大遇考之田文之卒在范雎未入秦之先則張祿之入秦居范雎之前久矣雎入秦而踵名張祿豈祿嘗有聞於諸侯秦特令雎冒其名以誑鄰國耶焦氏筆乘漢兩魏尚一高帝時人解鳥語一文帝時雲中守

琴操曰聶政父為韓王治劍不成王殺之時政未生及

長入泰山遇仙人學鼓琴七年琴成入韓王伯厚曰是韓有兩聶政也

兩朱買臣一武帝時會稽太守一元帝時武昌太守

兩京房一楊何弟子梁丘賀所從受易一焦延壽弟子

為課吏法者

兩陳咸一御史中丞萬年子相人成哀間有尚書陳咸

交人見曾孫陳寵傳

兩張禹一字子文成帝時為丞相封安昌侯一字伯達

和帝時為太傅安帝時封安鄉侯

兩張武一文帝時賜金錢愧心者一宣帝時張敞弟相

梁欲以柱後惠文彈治者

兩田甲一獄吏辱韓安國一賈人責張湯兩秦嘉一秦

末立景駒為王一漢末

二韓說一見方術傳一韓王信孫按道侯者

兩張蒼一高后時御史大夫一武帝時使西域兩貢禹

一高祖時謁者見魏相傳一元成時自有傳○又東漢

章帝時亦有貢禹與王陽善者

兩朱暉一字文季臨淮太守時人歌曰強直自遂南陽

朱季一四皓中綺里季姓朱名暉字文季名字皆同高

士

武時武威將軍劉向驍騎將軍劉歆從天水伐公孫

述前漢向歆為父子後漢向歆同時伐蜀相去纔二十

年耳伐蜀事見祭遵傳○按劉植傳向植子歆字細君植從兄

則歆父行而向子行也然言歆繼植喜為驍騎將軍言

向但云嗣昌城侯徙東武陽侯而不言其從征豈又一

向耶耿弇傳有騎都尉劉歆從討張步或驍騎將軍先

為騎都尉耳然植傳何其略也

兩宋弘哀帝時中常侍宋弘見王嘉傳光武時宋弘

兩王遵一躍馬蜀道者一中黃門同誅陳蕃等

兩谷永一成帝時人一靈帝時鬱林太守以恩信招降

烏許人十餘萬見後漢西南夷傳

楊升菴曰湯初勝夏已有臣扈至大戊又有臣扈詩有家父春秋又有家父楚有兩莊躋漢有兩王莽樂府有兩莫愁南朝有兩劉琨文人有兩蘇子卿五代梁有王彥章吳亦有王彥章古今同姓名者何限

晉兩陸靜修廬山惠遠送陶淵明陸靜修過虎溪因大笑世傳三笑圖或疑靜修與遠公不同時宋景濂曰晉有兩靜修此正世所稱簡寂先生是也

唐韓吏部集有李習之兩句云前之詎灼灼此去信悠悠苦無可取鄭州掘一石刻刺史李翱詩曰縣君愛埽渠遶水恣行游鄙性樂山野掘地便池溝兩岸植芳草

中間漾清流所向既不同埽澗金名自脩從他後人見景趣誰為幽王深父編次入習之集此別一李翱爾習之

不能詩也

劉貢父詩話然王楙謂翱實為鄭州即一人

兩李晟一大曆中李抱真使右軍都將臨洮李晟擊吐蕃晟將千人出大震關至臨洮屠定秦堡見通鑑

宋兩葉夢得俱號石林姑蘇石林官至宰執貴溪石林南渡進士官至秘書丞知撫州今性理大全所引石林葉氏次名西山真氏之後者非少蘊也此名號俱同

漫抄

異代同姓名

王楙曰伏子賤孔安國張長公楊雄龔遂皆有二人
王烈東漢人晉時將嵇叔夜入抱犢山者亦名王烈成
帝外戚王商劉璋時治中亦名王商許靖稱之曰使商
生於華夏王景興無以加也

孫登諫嵇康者吳宣太子名登字子高

兩陳逵一晉中郎將善書一陳朝人黃思伯法帖刊誤

梁武帝問廣漢李膺曰今李膺何如昔李膺對曰今勝
昔問其故曰昔事桓靈之主今逢堯舜之君

後漢日南太守李善字次孫哺養李元孤兒乳生潼唐
宗賢館直學士注文選者亦名李善

唐李固京兆人長慶中擢第後拜相當國有賢譽一統
志

後漢張俊曰天地父母能生臣俊不能使臣俊當死復
生宋有張俊

漢有謝安下邳人應募擊九江賊徐鳳等晉有謝安

晉張載左思作三都賦訪以岷邛之事宋有張載

王肅字子雍魏人以經學名魏志有傳元魏時亦有王

肅字恭懿不以文學名史記樂書引樂記而注兼存肅

說通典引大傳亦取肅注集說曰元魏人誤也

蜀王孟昶花蓋夫人繪像詭為張仙者也南史孟昶平昌安丘人與兄覬並美丰姿時人謂之雙珠

蒙求江革忠孝王覽兄弟諸家註盡引後漢江革且後漢江革是江巨孝非忠孝也讀南史梁時亦有一江革年十六喪母以孝聞後為魏人所執詞色莊正不少屈服而歸梁明帝曰今日始見蘇武之節此正兼忠孝二

事野客叢書

倚覺寮云漢有王甫唐獨孤助傳有鄭居中徐岱字處仁嘉興人於學無所不通見本傳霍光傳宣紀廷尉光

註李光韓文有劉正夫英宗時臺官有趙鼎倚覺寮乃宋人所著是時有此人名也若在今日則不可更僕矣

李密在隋大業中從楊玄感起兵被獲以計得脫變姓名為劉智遠教授諸生自給鬱鬱不得志哀吟泣下劉智遠蓋兩人矣

西京雜記載秋胡事頗詳今錄于此杜陵秋胡者能通尚書善為古隸字為翟公所禮欲以兄女妻之或曰秋胡已經娶而失禮妻遂溺死不可妻也馳象曰昔魯人秋胡娶妻三月而遊宦三年休還家其婦採桑於郊胡至郊而不識其妻也見而悅之乃遺黃金一鎰妻曰妾

有夫遊宦不返幽閨獨處三年于茲未有被辱于今日也採不顧胡慚而退至家問家人妻何在曰行採桑於郊未返既還乃向所挑之婦也夫妻並慚妻赴沂水而死今之秋胡非昔之秋胡也昔魯有兩曾參趙有兩毛遂南曾參殺人見捕之以告北曾參母野人毛遂墜井而死客以告平原君曰嗟乎天喪予矣既而知野人毛遂非平原君客也豈得以昔之秋胡失禮而絕婚今之秋胡哉物故亦有似之而非者玉之未理者為璞死鼠未屠者亦為璞月之旦為朔車之軸亦謂之朔名齊實異所宜辯也

唐蔡京饒州刺史率官屬見陸龜蒙龜蒙不樂拂衣而去宋有蔡京

唐裴迪與王維倡和者五代時有裴迪

宋陳賈論劾朱子人作詩誚之云姬周大聖猶遭謗伊洛名賢亦被譏堪笑古今兩陳賈如何慣把聖賢非我朝胡廣洪武庚辰狀元與楊東里善廣病篤人投詩假揚作云漢朝胡廣號中庸今日中庸又見公堪笑古今兩姦究天教名姓正相同危言所謂異代而相類未有

唐裴迪與王維倡和者五代時有裴迪

如此二人者也

唐張蘊古進大寶箴者宋孝宗時張蘊古太平州通判張魏公師潰符離解所佩魚蝦添差為朝議大夫使金求和以僚吏不可而止

唐有翰林侍書學士柳公權嘗為之太宗平蜀王著蜀人善書召使詳定急就章等後遂以為翰林侍書而不加學士之名自著後不復除人著後官亦不顯有翰林學士王著者自別一人

石林燕語

按談苑太祖嘗曲宴翰林

學士王著乘醉喧譁令扶以出著不肯退即趨近屏風掩袂慟哭明日或奏曰王著思念世宗太祖曰此酒徒也在世宗幕府吾所素諳况一書生雖哭世宗能何為也然則翰林學士王著自是世宗朝士人

名之善者相襲可也如秦之趙高何取焉而東漢亦有趙高按續博物志洪武二年鮮于冀為清河太守作公解未就而亡後守趙高計工用二百萬黃秉劉適言四百萬冀乃鬼見白日道從入府與高及秉對共計校定為適秉所割匿冀乃書表自理言高貴不尚節壠畝之夫而箕踞遺類媚世求顯偷竊銀艾鄙辱天官臣不勝鬼言去三十里車馬皆滅不見秉等伏地物故高以狀聞此怪異不足信而因此知清河太守有趙高也若王

莽張昌宗則皆在後者不善無足怪矣

李陵降虜而永平中益州刺史朱輔遣從事李陵護送
白狼王唐叢等詣闕見後漢西南夷傳王磐子肅為王
莽族光武時收捕伏誅見馬援傳而注諸經及楚辭者
亦名王肅

張純等皆漢末為寇無良也而今固有名之者夫亦考
之不詳歟

王謙破家殉國史雖書逆而實周之義士然君子願為
良臣則亦不必襲其名也

後周宇文護列傳云司會李植在太祖朝夕居權要見
護執政恐不見容與乙弗鳳等密謀誅護為護所殺併

弒閔帝

李斯子由為趙高誣殺而光武時有御史中丞李由持
璽書招秦豐見朱祐傳

鄧通字淵豫章人有孝行為太守凝然恬默豫章今
古記

誤同

司馬遷班固漢史韓信傳贊中皆稱兩韓信據其說韓
王古韓國之後項羽殺其父成復立信為漢王都晉陽
與淮陰侯韓信不同劉知幾史通闢遷固之繆曰韓王
名信都古韓國後姓姬二史不別姬韓兩姓又去韓王

名下都字遂與淮陰侯韓信無辨余考班馬誤姬為韓
誠如劉說但謂韓王名信都劉說亦差按王充潛夫姓
氏論云沛公起張良屬焉沛公使韓信略定韓地立橫
陽君成為韓王而拜良為信都又曰信都者司徒也或
為勝徒漢功臣表云張良以廐將從起下邳以韓申都
下韓楚漢春秋作信都信音申史記亦作韓申徒良傳
直作韓司徒蓋信都勝徒昔賢謂司徒之聲轉然則信
都乃張良官名即非韓王名知幾之說亦未免繆尚何
班馬責乎識遺

強同

唐原休受朱泚偽官自比蕭何入長安日首收圖籍時
人笑之目曰火迫鄭侯宋南渡有郭某為將自比諸葛
酒後輒詠三顧頻繁兩朝開濟之句而屏風便面一一
皆書此二句未幾敗於江上倉皇涕泣而匿時謂之尿
汁諸葛

陳繹好為敦朴之狀時謂熟熟顏回後熙寧中台州推
官孔文仲舉制科對策言事有痛哭太息語執政惡而
斥之繹時翰林學士曰文仲狂躁真杜園賈誼王平甫
笑曰杜園賈誼可對熟熟顏回

偽同

李揆為盧杞所惡用為入蕃會盟使揆辭以老恐死道
路不能達明命帝惻然杞曰和戎者當練達朝事非揆
不可且使揆則異時年少於揆者不敢辭揆遂行至蕃
酋長曰聞唐有第一人李揆公是否揆畏留因給之曰
彼李揆安肯來耶

假名

宣帝始元中自稱衛太子者姓成名方遂一曰姓張名
延年總之姓名不甚的實而其非太子則真也 宣宗
朝老佛之事甚異野史往往載之然其跡涉於有因
宣廟所以處之者亦甚有體

二名

匈奴傳使宦者燕人中行說傳翁主師古曰中行姓說
名也又有以中行說姓邯鄲名淳者

認同

富鄭公少時有詬之者公若不聞或與言曰恐詈他人
曰斥公名公曰安知天下無同姓名者

琅邪代醉編卷之六終

姑蘇張鼎思睿父父輯
南海金節持父父校

同時同族而同名

江泌衣敝多蟲以綿置之食菜不食心有孝行人稱孝
必以別其族人

李尚書益時有宗人庶子與同名俱出於姑臧公而人
謂尚書為文章李益庶子為門戶李益尚書猶欲兼門
地嘗姻族間有禮會尚書歸嘆語家人曰大堪笑今日
兩個座頭總是李益○小說娶霍小玉而棄之致有脫

鞋之夢者不知為文章為門戶也

父子同名

隋處士羅靖父亦名靖唐陸元初子名景初

祖孫同名

魏安童之父名屈子亦名屈周厲王名胡而僖王名胡齊衛穆公名遯而成侯亦名遯鄭武公名掘突而厲公名突湯名乙玄孫之孫亦名乙孔子曰易之帝乙以名湯書之帝乙六世王名同不害以明功乾鑿度蔡文侯名申昭侯亦名申若商巫咸之子名賢則所謂不諱嫌名也

史趙曰自幕至於瞽瞍無違命舜重之以明德寘德於遂魯語幕能帥顓頊者也有虞氏報焉韋昭注云幕舜之後虞思也為夏諸侯鄭語虞幕能聽協風以成樂物生者也注亦以為舜後虞思觀此豈虞氏祖孫皆名幕耶抑二語注誤也

羅泌曰虞仲之孫實曰虞仲周章之弟漢趙王曰如意而廣

宗又名之唐義成曰琮而奉天又名之鬱林曰恪而建

王又名之以王氏一譜而有兩渾昶子兩愷茂仁君夫兩綏

愉子兩又緒父兩澄濟弟兩處仲還兩安期含子它族

又不足言矣

太公望名牙而靈公子亦名牙為崔杼所殺者文文山之弟名璧吾蘇文氏其後也而衡山太史亦名璧後乃以字行

史記宋景公卒公子特殺太子自立號昭公與前昭公杵臼相去畧九十年此祖孫同謚也

庖言云王胡之五世仍之字胡之茂之裕之瓚之秀之余考南史王裕之字敬弘避武帝諱以字行裕之三子

長恢之次瓚之次昇之瓚之子秀之昇之子延之昇明末為尚書左僕射江州刺史延之子綸之歷侍中都官

尚書自敬弘至綸之皆方嚴並剋日乃見子孫蓋家風也按此則胡之亦六世仍之字矣三世仍之字者又有

王韶之父偉之祖羨之王鎮之父隨之祖耆之見南史王歆之父肇之祖尋之見宋書二世仍之字者宋書劉

穆之子憲之齊書褚秀之子湛之劉績曰孔氏自子思以下同用子字子思之子子子上之子子家子家之

子子京子京之子子高子高之子子慎子慎之次子子襄然則王氏之之奚足訝哉餘並載庖言不述

漢諸王同名

庖言載漢宗室同名但舉諸王以列侯相犯者多不能盡錄耳諸王中若琅邪康王嘉當作燕康王蓋嘉父初

封琅邪後改燕康王未常封琅邪也廣德夷王名雲客
不名雲不宜與城陽東平為三當云二劉雲可耳然諸
王相犯實亦不止此如名嘉者又有廣陵王武帝封國
名定者又有山陽哀王文帝封國六安繆王景帝封國
名壽者又有齊懿王高帝封國齊恭王光武封國是四
嘉五定四壽也卮言未及者則有五建菑川靖王燕靈
王俱高帝封國江都王景帝封國廣陽項王武帝封國
河間貞王章帝封國有三喜代王城陽共王俱高帝封
國齊頃王武帝封國有三恢城陽戴王趙共王俱高帝
封國阜陵恭王光武封國有三尚菑川考王高帝封國
河間王景帝封國任城王光武封國有三元河間王平
干繆王景帝封國梁敬王明帝封國有三舜常山憲王
長沙王景帝封國廣陽穆王武帝封國有三崇任城節
王光武封國陳頃王樂成哀王俱明帝封國有二安淮
南王高帝封國任城貞王光武封國有二定國燕王高
帝封國梁敬王文帝封國有二福河間哀王高帝封國
中山憲王景帝封國有二如意趙隱王高帝封國廣宗
王文帝封國有二昌趙頃王中山哀王俱景帝封國有
二偃平干頃王真定烈王俱景帝封國有二光魯安王
六安頃王俱景帝封國有二廣沛孝王濟南悼王俱光

武封國有二賢菑川王高帝封國膠東哀王景帝封國
有二義城陽敬王高帝封國清河剛王文帝封國有二
恭河間孝王光武封國彭城清王明帝封國有二景城
陽孝王高帝封國信都王宣帝封國有二續齊武王光
武封國淮陽王宣帝封國有二康濟南安王光武封國
濟南王章帝封國有二登代孝恭王文帝封國濟北節
王章帝封國有二端膠西于王景帝封國東平頃王光
武封國有二尊趙懷王景帝封國琅邪貞王光武封國
有二寬濟北王高帝封國高密懷王武帝封國有二忠
東平懷王光武封國清河獻王章帝封國有二道楚安
王高帝封國彭城考王明帝封國有二德河間獻王景
帝封國安平王章帝封國有二政濟北王河間惠王俱
章帝封國有二興中山孝王元帝封國齊魯王武帝封
國有二承齊頃王光武封國陳孝王明帝封國有二友
趙幽王菑川懷王俱高帝封國有二輔中山頃王景帝
封國沛獻王光武封國有二暢中山穆王光武封國梁
節王明帝封國有二衍下邳惠王明帝封國楚思王宣
帝封國有二成梁夷王下邳貞王明帝封國有二宏廣
陵王武帝封國趙靖王光武封國有二商四水王景帝
封國趙頃王光武封國有二良河間惠王景帝封國趙

孝王光武封國有二襄齊哀王高帝封國梁平王文帝
封國有二康定陶共王元帝封國濟南安王光武封國
六安王慶其兄膠東王賢子亦名慶嗣王

漢同姓諸侯同名

同姓列侯同名者又未可指數如九嘉則敬侯益都侯
平度侯薪處侯蒲領侯繁安頃侯魏其侯順陽懷侯僮
侯九福則容陵侯平的節侯宜城侯定敷憲侯夫夷懷
侯安檀侯海常侯句陵侯桃鄉侯七順則張梁哀侯州
鄉廣侯邵侯公丘夷侯邨平侯武安孝侯東安侯六信
羨頡侯臨胸孝侯阿武節侯前侯寧陽康侯雲夷侯六
六禹則州鄉侯瑕丘侯夫夷節侯虛水康侯魏其孝侯
竟陵侯五喜則合陽侯葉平侯高平侯沂陵侯竟陵侯
五偃氏丘共侯陽丘共侯宜城康侯安郭釐侯被陽侯
五慶棘樂侯東平侯夫夷釐侯衆陵頃侯南陵侯五明
茲侯壁侯西熊侯桓邑侯陪侯五成則宜春侯羽康侯
瓶敬侯杏山侯廣陵侯五光則平望敬侯繁安孝侯臨
樂敦侯文成侯甘井侯五守則劇魁壽侯繁安定侯柳
康侯山原安侯執質侯五忠則廣望節侯廣望頃侯濕
成侯栗煬侯繁安夷侯五定則被陽孝侯稻夷侯都梁

敬侯臯虞穰侯鄉侯四廣則德哀侯益都原侯營平侯
被陽侯四仁則張梁哀侯封斯侯邾令衍侯春陵孝侯
四商則臨衆侯州鄉釐侯夫夷侯白牛侯四德劇魁康
侯易安侯乘丘載侯定敷思侯四建襄囂侯臨安憲侯
年平康侯臯虞煬侯四遂則廣望恭侯平侯雲康侯南
城頃侯四嬰則劇魁釐侯卑梁侯姜節釐侯利鄉侯四
樂則安陽侯利昌戴侯臯虞侯栗節侯三河則德哀侯
周望康侯陸元侯三應則棘樂共侯安險侯氈侯三蒼
則安城侯邾令懷侯陰城思侯三延年則懷昌胡侯穰
侯歆安侯祝茲侯三賞則平望夷侯臨胸節侯公立思
侯三寬則葛魁節侯騶丘敬侯漳北侯三戚則葛魁侯
安侯挾夷侯三起則平望頃侯琥節侯繁安侯三義則
朝節侯陸地侯夫夷敬侯三讓則蓋胥侯戎丘侯勃節
侯三則則陪繆侯攸輿侯參醜侯三終古則博陽侯云
夷釐侯柏暢戴侯三陽則瑕丘孝侯茶陵哀侯定敷恭
侯三壽則被陽頃侯繁安節侯翟侯二罷軍則管恭侯
蘭侯二不害則浮丘節侯陰安康侯二霸則浮丘節侯
挾釐侯二敢則丹丘哀侯原洛侯二將則廣戚節侯哀
侯二聖則胡孰頃侯襄隄侯二吉則質侯東莞侯二中
特則平的思侯東野侯二宣則平的侯阿武敬侯二利

親則劇魁孝侯參戶敬侯二慶忌則平度節侯寧陽安
 侯二奴則臨胸夷侯牟平節侯一乘則臨胸戴侯定侯
 二賀則邯令勤侯為氏節侯二閣則廣望侯虜葭頓侯
 二貞則陸城侯南城節侯二殷則旁光侯利昌刺侯二
 元則參戶頃侯公立侯二齊則州鄉思侯柴康侯二記
 則安陽康侯運平侯二棄則羽康侯山原侯二方則寧
 陽侯蕢侯二國則瑕丘思侯廣饒康侯二延壽則公立
 煬侯陸原侯二外人則山原孝侯乘丘侯二母害則騶
 丘侯俞閻煬侯二自為則奔康于侯沈陽侯二勳則臯
 虞釐侯汝夷哀侯二發則鉅令侯柳裴侯二尊則柳裴
 哀侯南城元侯二充國則虢節夷侯南城釐侯二代則
 柴元侯龍丘侯二永則虜葭侯稍夷侯二買則春陵節
 侯乘氏侯二固則虢節釐侯臨樂列侯二崇則安郭侯
 安衆侯二張則邯令原侯下博侯二閔則瓶敬侯春陵
 孝侯二猛則南城戴侯亭侯二恭則參戶亭侯東安侯
 二嵩則列侯白牛侯二恢則安道侯鄉亭侯二哀則安
 衆釐侯臯虞節侯

同姓同跡

王楙云沈瘦前有約後有昭畧寄怨詩之妻之竇前有
 玄後有滔望車塵之潘前有堂後有岳善畫婦人為帝

殺之毛前有延壽後有惠遠致冰鮮之王前有祥後有延吊客驢鳴之王前有粲後有濟銅錢作埒之王前有濟後有元寶射石之李前有廣後有遠種玉得妻之陽前有洛陽雍伯後有盧龍翁伯余讀都南濠聽雨紀談又有書紅葉之鄭前有虔後有谷○雍伯翁伯疑即一人搜神記雍伯洛陽人其種玉在無終山屬右北平則近盧龍也更攷之詳水經

余又考作太玄經之楊前有雄後有泉按泉字德淵晉人或曰唐人初名太原經鄭樵通志略作太玄養母埋兒之郭前有巨後有世通吹笳使胡流涕之劉前有魏又有王喬後有疇見人主詢其所作終身不用之孟前有貫後有浩然

周姓同名同跡

上書指陳得失之趙前後皆名騰尤異後漢書楊震傳安帝時河間男子趙騰上書指陳得失帝怒收考詔獄震上疏救之不省騰竟伏尸都市張皓傳順帝時清河趙騰上言災變譏刺朝政收騰係考皓上疏諫帝悟減死一等安順兩朝時世相接河間清河壤地相鄰皆有一趙騰上書皆指言時政皆為人主所怒皆有大臣救解止一生一死不同此甚異事趙與時曰疑卽一人而

珠牙什醉錄 卷之七
九
畢誤分為二耳

羅泌曰漢兩龔遂俱為郡太守兩京房俱明易災異
又曰帝嚳之臣有窮之君皆曰羿而皆以射名少昊之
子魯國之士皆曰般而皆以巧著余疑寒浞所殺之羿
逢蒙所殺之羿亦是兩人

後周有兩宇文貴唐有兩李光進俱為將兩裴巽俱尚
主

宋山陰之亭其扁乃靖康中箕山王侯書壬辰歲全楚
卿捨天章寺旁菴田三十畝為蘭亭書院其扁乃廉訪

分司王侯書之二百年間同姓同名可謂異矣

癸辛雜識

讀書閉戶十年之劉同時有炫有焯非兄弟而名相類
非邑里而同室讀書同應隋召同得罪

異姓同名

前輩有云前漢有酈食其審食其名字相公不知何義
僕謂此必慕其為人如司馬相如慕蘭相如之為人故
亦名相如且名食其者不獨酈審二公也前有司馬食
其見戰國策後有趙食其見西漢想酈生輩慕司馬食
其為人故名食其其後趙食其亦必如此又如前漢有
金日磾後漢有馬日磾而晉又有段匹磾魏有于栗日
磾嘗見一野史景祐中審刑院斷獄有使臣何次公具

刑部代辭編 卷之十
十
獄主判官方進呈上忽問此人名次公者何主判官不能對是時龐莊敏為殿中丞審刑院詳議官從官長上殿乃越次對曰臣嘗讀前漢書黃霸字次公蓋以朝次王也此人必慕黃霸之為人上領之觀此則前諸人之名字益信其為有所慕矣

權臯字士繇秦州人擢進士為臨清尉安祿山籍其名表為薊州尉署幕府陽暗而暝逸去人無知者永王舉兵脅士大夫詭姓名以免玄宗在蜀聞之召拜起居舍人固辭嘗曰吾繫身亂世以全吾志欲持是受名耶自中原亂士大夫率渡江韓洄王定皆仰臯節與友善唐書

劉損字子騫何憲字子思一幕閔子騫一幕原子思王維字摩詰范啓字榮期一幕維摩結一幕榮啓期顏之推字介顧野王字希馮一幕介之推一幕馮野王庾鴻字伯鸞元彧字文若荀粲初名愨孫後名粲字景倩一幕梁伯鸞一幕荀文若一幕荀奉倩范仲淹字希文慕文中子北魏李預字元凱慕杜預

顏之推曰後漢有朱張字孫卿許暹字顏回梁世有庾晏嬰祖孫登連古人姓為名字亦鄙事也

若劉裕父應翹字顯宗韓延之已字顯宗名子為翹蓋示不臣劉氏之意忠于晉室而非慕其人也見北史

桓温為温嶠所賞故名温此以姓為名也員半千本姓劉慕伍員之為人改姓員此以名為姓也

司馬長卿慕藺相如因名相如顧雍少從蔡伯喈學琴伯喈曰卿必有成吾以名與卿故雖與蔡同名魏協律

杜夔所造鍾律不能考之典禮徒依時之尺寸而制之

此姓字異而名同者也乃若宋翟穎改名馬周以攻李昉小人險誕之為不足言者吾獨恠夫夔者一足之獸

與魁象為類而陶唐之臣名之後人因有一足之疑鑿齒食人之物為羿所殺而習鑿齒以為名何耶吾又恠

宋齊丘字超回胡旦字周父儼然以聖人之名自命而

卑大賢為不足擬者又何耶○李昇以國士待齊丘歛人江台符投書於昇齊丘忌其名頗排斥之台符因貽書誣之曰足下齊大聖以為名超亞聖以為字齊丘慚

改字子嵩見左編

蜀張雲立朝蹇諤自此朱雲宣徽使景潤澄曰昔朱雲請斬馬劍以斬張禹今上方只有殺雞刀卿欲用乎雲

曰雞刀雖小亦可斬羣狗潤澄憾之蜀構杌

曹魯本名平慕魯參之行改名為魯親老時亢旱井池皆竭母思甘清之水魯跪而搯瓶則甘泉自湧天下名

書徃古以來文篆訛落者魯皆刊正垂萬餘卷及世亂

慮先文湮沒積石為倉以藏書故謂曹氏為書倉拾遺記

東丹國長子突欲奔唐賜姓李名替華工畫人物鞍馬

習舉子能為詩每通名刺云鄉貢進士黃居難字樂地

以擬白樂天

昌化章氏子長曰翹字景韓次曰詡字景虞一慕韓翹

一慕虞詡癸辛雜志章氏兄弟初皆無子其兄先抱族人子

育之未幾妻生子弟請以所抱子與已兄告其妻不可

曰未有子而抱之甫得子而棄之可乎且初生那可保

也不得已以吾生者與之既而二子皆成立後子孫相

繼登第舟州述同姓名而其姓字亦有先之者洞微志

王處厚益州華陽人與老僧論浮世苦空事字元美

君臣同名

周襄王名鄭衛成公與之同時亦名鄭晉定公名午而

同時邾鄆大夫亦名午衛侯名惡其臣亦名惡宋武帝

名裕謝景仁張茂度皆名裕褚叔度王敬弘皆名裕之

宋明帝名彧王景文亦名彧○春秋昭元年宋向戌衛

石惡會于澗公羊傳註戌惡皆與君同名解云七年秋

衛侯惡卒十年冬宋公戌卒知向戌石惡皆與君同名

也○王伯厚曰公羊以衛石惡為惡人劉原父非之曰

董賢可謂賢人乎

瑯邪傳 卷之七
衛靈公之兄輒有惡疾不得立又為盜所殺而靈公之
孫蒯饋之子亦名輒見公羊傳穀梁傳輒一作繫言是
足疾

不同名同號

洪容齋隨筆言東坡慕樂天因以為號按南賓志云東
坡西坡皆白文公故跡樊漢柄詩曰忠黃江上兩東坡
二老遺風寧不磨人得矜誇知地勝天教流落為才多
以此驗之信然

古善醫者名扁鵲秦越人因名為扁鵲見史記註古善
御者王良來宣能御文帝因名為王良見西京雜記王
良又字伯樂見漢書王褒傳註

王伯厚據陳子璋答曹洪書有子勝斐然之志注引墨
子三子曰告子勝仁墨子曰告子為仁猶跂以為長
偃以為廣不可久也勝蓋告子之名也余按孟註告子
名不害非名勝胡致堂曰楊朱與老聃同時墨翟又在
前宗師大禹而晏嬰學之以為楊墨出於師商考之不
詳也朱晦菴謂莊周之學出于老氏韓子始稱子夏之
後有田子方子方之後流為莊周然無可據觀此墨子
所稱告子非孟子之告子也周時蓋有两告子矣

同姓齊名

琅邪李陵世稱蘇李唐蘇味道李嶠蘇頲李
又當時亦稱蘇李是三蘇李也漢李固杜喬李雲杜袞
李膺杜密世稱李杜唐李白杜甫亦稱李杜杜詩李杜
齊名真忝竊是也是四李杜也西溪叢語唐鮑照謝元
暉人稱鮑謝又鮑附謝良弼友善人稱鮑謝是有兩鮑
謝也余觀廬山舊志蘇庠字養直丹陽人卜築廬山以
琴書自娛與修水李彭齊名世稱蘇李則蘇李亦有四
矣

名與字自相同

張巡字巡孔安國字安國殷仲文字仲文劉孝綽字孝
紉初名冉王僧孺字僧孺郭子儀字子儀孟浩然字浩
然蔡興宗字興宗惟宋未有攷我朝成化己丑進士
曹時中字時中張楨叔字楨叔廖德徵字德徵
高崇文字崇文

同名同字

洪景盧曰三代之時天下書同文故春秋左氏所載人
名字不以何國大氏皆同鄭公子歸生魯公孫歸父蔡
公孫歸生楚仲歸齊析歸父皆字子家楚成嘉鄭公子
嘉皆字子孔鄭公孫段印段宋楮師段皆字子石鄭公
子嘉宋樂嘉皆字子罕楚公子黑肱鄭公孫黑孔子弟

子狄黑皆字子哲魯公子翬鄭公孫揮皆字子羽邾子克楚鬬克周王子克宋司馬之臣克皆字曰儀晉籍偃荀偃鄭公子偃吳言偃皆字曰游晉羊舌赤魯公西赤皆字曰華楚公子側魯孟之側皆字曰反魯冉耕宋司馬耕皆字曰牛顏無繇仲由皆字曰路○余按楚鬬宜申公子申皆字子西經典序錄曾申字子西

仙家同名

洪崖先生一伶倫三皇時得仙號洪崖先生正神仙傳所記與衛叔卿遊華山郭璞詩所謂右拍洪崖肩者也一唐張氲晉州神山人隱姑射山開元十六年嘗至洪州救疫亦號洪崖先生然古洪崖所得道處亦在豫章後人于其地立祠祀之因竝祀氲見廬山紀事按列仙傳伶倫姓張氏豈因氲而誤耶抑兩先生俱張姓也古有鉅靈氏遁甲開山圖曰鉅靈與元氣齊生水經注鉅靈河神即開華嶽為二者又漢武內傳東都送一小人長七寸東方朔謂為鉅靈又洞冥記一女人愛悅於帝名曰巨靈帝傍有青珉唾壺鉅靈乍出入其中東方朔望見乃目之因而飛去化成青雀帝乃起青雀臺月中斫桂人名王剛玉門子亦名王剛神仙人也秦一君名膺漢武以李少君之言祠之甘泉者是也又

人身亦有秦一名務猷見道書

淮南王有八公李鄴侯亦有八公皆仙人也外傳必在表兄鄭叔則家已絕粒身輕能於屏風上立薰籠上行引指使氣吹燭可滅每導引骨節皆珊然有聲人謂之瓊子骨常有隱者八人容服甚異來過鄭家臨去嘆曰緣俗意未盡可惜心與骨耳必欲隨去曰不可姑與他作宰相耳出門不復見因作八公詩序之

婦人同名

吳干將妻名莫邪佛母亦名莫耶見化胡經八學士議漢成帝后名飛燕又漢武載愛姬趙飛燕于屬車豹尾中見晉志又唐寶曆中浙中貢舞女二人一曰飛燕一曰輕風修眉彩首蘭氣融冶冬不續衣夏無汗體上琢玉芙蓉為歌舞臺歌舞一發百鳥翔集歌罷藏之金屋寶帳官中語曰寶帳香重重一雙紅芙蓉蓋三飛燕也○寶曆事載杜陽雜編弇州卮言嘗引為女人同名之證近閱閩刻飛燕作飛鸞不知孰是輕風亦作輕鳳輕鳳之名更佳晉志漢武飛燕楊用修云疑李夫人之誤山海經帝俊妻常儀是生十月史記正義帝嚳次妃嫫媿氏曰常儀生帝摯又黃帝命常儀占月此二婦人一男子同名○又考黑山賊張燕性剽捍捷速過人軍中

號曰飛燕見袁紹傳注然此乃軍中私號非名也名自名燕耳

花蕊夫人蜀王建妻也後號小徐妃者大徐妃生王衍而小徐妃其女弟在王衍時二徐坐游燕汚亂亡其國莊宗平蜀後二徐隨王衍歸中國半塗遭害焉及孟氏再有蜀傳至昶則又有一花蕊夫人作宮詞者是也宋下西蜀而花蕊夫人又隨昶歸中國昶至且十日則召花蕊夫人入宮中而昶遂死昌陵後亦惑之嘗造毒屢為患不能遂太宗在晉邸時數諫昌陵而未克去一日從上獵苑中花蕊夫人在側晉邸方調弓矢引滿擬走獸忽回射花蕊夫人一箭而死詩人王屑夫人費氏蜀之青城人入朝太祖使誦詩云君王城上豎降旗妾在深宮那得知十四萬人齊解甲更無一個是男兒

男女同名號

蜀王名開明王莽小妻亦名開明王嬙字昭君莽時方士亦名昭君

梁鴻妻孟光蜀先主時有孟光與來敏皆以樞機不慎每見貶削

陸龜蒙曰邵侯姜女之生子也始棄之命之曰棄宋芮司徒之生女也始棄之亦命之曰棄邵棄為稷官生民

類之來棄美而生佐幾移宋國
稷之棄也牛羊尾字之鳥覆翼之異矣左氏楚若敖娶
于邲生鬬伯比若敖卒從其母畜於邲淫于邲子之女
生子文邲夫人使棄之膏中獸乳之邲子田見之懼而
歸夫人以告遂使牧之楚人謂乳穀謂虎於擇故名穀
於擇字子文楚人謂虎班其子以為號穀音構牛羊乳
汁曰構擇或作菟俱音塗漢書烏孫王昆莫父難兜靡
大月氏攻殺難兜靡昆莫新生傅父布就翎侯抱亡置
草中為求食還見狼乳之又烏啣肉翔其旁以為神遂
持歸匈奴單于愛養之策哉子曰是三人者姓名不同
而何其生之同耶因論二棄而併記於此

名字

名字自相同者前已得數人矣茲讀歐陽公歸田錄其
所載更多因摘前所未及者書於此○晉安帝名德宗
字德宗恭帝名德文字德文會稽王名道子字道子北
史慕容紹宗馮子宗魏蘭根唐辛京泉戴休顏張孝宗
尚有孤田承嗣張嘉貞宇文審李嗣業皆以名為字

齊由

孫齊由齊莊小時詣庾公公問齊由何字曰字齊由公
曰欲何齊耶曰齊許由問齊莊何字曰字齊莊曰欲何

齊曰齊莊周公曰何不慕仲尼而慕莊周對曰聖人生知故難企慕公謂賓客曰王輔嗣應荅恐不能勝之前

權皋類

介子推

劉子政云介子推年十五為荆相仲尼聞之使弟子往視焉還曰庭下有二十五進士堂上有二十五老人仲尼曰合二十五人之智智於湯武并二十五人之力力於彭祖以治其國有不濟乎○按此介子推與晉文公不言祿者又是一人

琅邪代醉編卷之七終

姑蘇張鼎思春父父輯

暨陽陳性學所養父校

器物人名

器有以人名為名者干將莫耶見吳越春秋又闔閭既寶莫耶復命於國中能為善鈞者賞百金吳作鈞者眾而有貪王之重賞者殺其二子以金鑿金遂成二鈞獻於王請公門而求賞王曰子求賞何以異於眾夫子之鈞乎作鈞者曰吾之作鈞也貪而殺二子豐成二鈞王乃舉眾鈞以示之何者是也王鈞甚多形體相類不知

其所在于是鈞師向鈞而呼二子之名吳鴻扈稽我在於此王不知汝之神也聲絕於口兩鈞俱飛着父之胸吳王大驚曰嗟夫寡人誠負於子乃賞百金按干將莫邪吳鴻扈稽皆人名而劍名也人知有干將莫邪而不知有吳鴻扈稽亦見吳越春秋

明皇雜錄唐睿宗所御琵琶曰玉環楊貴妃小名曰玉環

酒名平原督郵青州從事又名聖人名賢者名歡伯醉鄉日月凡酒以色清味重為聖色如金而醇苦者為賢色黑味酸醜者為愚以家醪糯釀醉人者為君子以家醪黍釀醉人者為中人以巷醪黍釀醉人者為小人焦貢易林坎之兌脰之未濟詞云酒為歡伯除憂來樂福喜入門與君相索伯音桓公有主簿善別酒有酒輒令

先嘗好者謂青州從事惡者謂平原督郵青州有齊郡平原有鬲縣從事言到臍督郵言在鬲上住齊顧憲之為建康令有清譽郡人飲醇酒得清且美者必呼為顧建康云

上清童子岑文本山亭避暑有叩門云上清童子元寶參奉冠青圓角冠衣淺青衣自漢得果成本生於吳得不疑滯之道問冠帔乃曰僕外服員而內方正此是上

清五銖服也出門墻下不見文本掘之得古墓中惟一
古錢方知上清童子銅名元寶錢文也外員內方錢之
狀也五銖亦錢文也乃漢所鑄自是錢帛日盛官至中
書令博異志

南陵使者元豐八年太史奏熒惑守心是時太清宮道
士王太初奏章於太一宮真室殿之中壇回云至九天
門下有傳上帝之命者曰已付南陵使者告行太初因
問南陵使者為誰答云見守心者是也自是京師大火
文昌雜錄 ○按左傳襄三十年或叫于宋大廟曰譖譖出出
鳥鳴亳社如曰譖譖甲午宋災譖譖豈南陵為妖乎

玉帶生文文山硯名

下邳侯皮鞋也退之華傳

牛少府蜜名劉夢得藥方

却老先生王僧虔對客左右進銅鑷曰却老先生至矣

燕幾乎南康記

趙達善以著作算人因名著為趙達見釋常談

王右丞楊駙馬秋夜詩對坐彈盧女樂志魏武帝宮人
有盧女者故將軍應叔之姊也七歲入漢宮學鼓琴善
為新聲今云彈盧女是以盧女為琴也

草木人名

平仲君遷二木見左太冲吳都賦劉成曰平仲之木實
白如銀君遷之樹子如瓠形司馬溫公名苑云君遷子
如馬妳俗云牛嬭柿是也今之造扇用此柿油

長卿簡子蕭子雲賦長卿晚翠簡子秋紅楊升菴曰草
中有徐長卿藥名齊民要術簡子藤生緣樹木實如梨
赤如雞冠核如魚鱗取生食淡泊其苦又廣志謂之侯

騷崔豹古今注螻蛄一名長卿舊說螻蛄通夢於人自
稱曰長卿人稱王孫獼猴亦曰王孫魏王文考有王孫
賦草亦名王孫見本草李石曰王孫一名黃孫一名黃

昏孫真人有黃昏散或云卽合歡陳無已詩探囊一試
皆湯老君名李耳虎亦名李耳見方言陳魏宋楚之
間謂之李耳注云虎食物及耳而止為觸其諱

劉向名更生菊亦名更生見焦氏類林又本草菊一名
周盈一名傳延年劉王女名素馨花亦名素馨蓋因此
花生劉王女冢上故名之嵇含南方草木狀素馨一名
那那茗

壺居士出隴西食之少睡類
孟母生四明能強陽亦菜類
仙書云菜萸為辟邪翁菊花為延壽客故假此二物以

消陽九之厄

方鏐隱天門山以椶櫚葉拂書號曰無塵子高士春秋

胡王使者本草白頭翁一名野犬一名胡王使者一名

柰何草生高山及野田

瀟洒侯陸龜蒙詩叢竹當封瀟洒侯

瞬碧侯琴莊有溶溶軒軒前皆池地也度池得回筇磴

上自在峯蘭先生日往峰上採蕨蕨生九股以釀醋異

常守臣取進之封峯曰瞬碧侯琴莊美事

煬帝開河成取吳越民間女年十五六者五百人謂之

殿脚女至於龍舟每纜一條女十人牽之間以羊十

口時盛暑翰林學士虞世基獻計請用垂柳栽于

兩堤上一則樹根四枝鞠護河堤二則牽舟之女獲

陰三則牽舟之羊食其葉上大喜詔民間有柳一株賞

一縑百姓競獻之帝自種一株群臣次第種方及百姓

民謠曰天子先栽然後百姓栽栽畢帝御筆賜垂柳姓

楊曰楊柳也開河記

鳥獸魚虫人名

鳥名子規杜鵑也蠹名子方見張有復古編禮記方以

類聚註方虫名即此

蜻蛉小而赤者名赤衣使者一名赤弁丈人見古今註

烏賊魚名河伯度事小吏一名白事小吏見本草龜名

玄衣督郵鱉名河伯從事鼃名河伯使者鰭魚名河伯
健兒見雜俎吐綬鳥名錦帶功曹鶯名天女又名金衣
公子鵲名神女雀名嘉賓猿名參軍羊名髯鬚主簿亦
名髯鬚參軍齊郡函山有王母使者漢武登山得玉函
長五寸下山函化為鳥飛去世傳山上有王母藥函常
令鳥守之

鼃鼃齊人呼社公或言周公訪

徐魯之間謂雞雛為秋侯子訪

犬姓盧今呼犬為盧戰國策有韓盧齊詩有盧令兔姓

東郭戰國策所謂東郭兔

朱氏翁所化故呼朱則來又施

有吾詩曰遺却白鷄呼粥粥音祝豈祝與朱相近耶

抑祝亦鷄姓耶又世俗戲語嘲姓奚者以鴨謂鴨姓奚

也其傳亦久矣

山蕭神異經作獵一名山駱如鴉青色亦曰治鳥巢大

如五斗器飾以土堊赤白相間狀如射侯犯者殺虎害

人燒人廬舍昔值洪水食都樹皮餓死化為鳥媿汪王

三姓其姓也見續博物志

酉陽雜俎曰號郡有蟲名謝豹常在深土中類蝦蟇圓

如毬見人以前脚交覆首如羞狀能穴地如鼯鼠頃刻

深數尺或出地聽謝豹鳥聲則腦裂而死俗因名之或曰謝豹人也抱耻死其魄為蟲潛行地中羞見人掘之猶以足覆面作忍耻狀古今事考

山中寅曰稱虞吏者虎也稱當路君狼也稱東王父者

麋也西王母者鹿也成湯公者狐也杜君者鼠也抱朴子

張鋌為巴西侯所邀坐中有稱玄丘校尉者明日視之

乃狐也宣室志

唐王縉讀書嵩山有四叟携榼相訪自稱木巢南林大

節孫文蔚石媚虬高談劇飲既醉俱化為猿升木而

樹萱

搜神記狐者先古之淫婦也其名曰紫化而為狐故其

性多自稱阿紫

白驪將軍女宗登封封益州所進白驪開天傳信記

內黃侯蟹也曾文清謝路憲送蟹詩從來嘆賞內黃侯

風味尊前第一流只合蹣跚付湯鼎不須辛苦上糟丘

詩人

太原尹楊炎食蒲桃曰汝若不澁當以太原尹相授陳

錄備

趙盾右軍

張文潛嘗云子瞻每笑天邊趙盾益可畏水底右軍方

張文潛

熟眠謂湯燭了王羲之也文潛戲謂子瞻公詩有獨看
紅蕖傾白墮不知白墮是何物子瞻云劉白墮善釀酒
出洛陽伽藍記文潛曰莫難為傾否子瞻笑曰魏武短
歌行云何以解憂惟有杜康

道山清話

靖節堯夫

莊定山詩贈我一壺陶靖節還他兩首邵堯夫有滑稽
者改作外官答京官苞苴云贈我兩包陳福建還他一
匹好南京聞者捧腹

陶潛畢卓

景龍三年九日中宗臨幸渭亭御製詩

浮九醞之歡畢卓持螯須盡一生之興

文館記

琴高魚寧國府涇縣東壯二里有琴溪溪側石臺高一
丈曰琴高臺溪中別有一樣小魚俗傳琴高投藥滓所
化號琴高魚歲三月數十萬一日來集漁者網取漬以
鹽而曝之州縣須索無藝以為土宜舊亦入貢乾道間

始罷

賓退錄

周禮輔人注鯁魚字大戴禮蘭氏之根蘘氏之苞王褒
洞蕭賦幸得謚為洞蕭魚而稱字草而稱氏蕭而稱謚
皆奇

昔人有五百估客下海採寶值摩伽羅魚王開口見三

日出白山羅列一是實日兩是魚眼白山是魚齒智度論

迦尸國有五百鴈為群侶爾時雁王名曰賴吒鴈王有

臣名曰素摩時此鴈王為獵師捕得五百羣鴈皆棄飛

去惟有素摩隨逐不捨語獵師言請放我王以身代之

獵師不聽遂以鴈王獻梵摩曜王鴈王曰惟願大王放

一切鴈使無所畏五百羣鴈在王殿上空中作聲時王

問言此是何鴈雁王言是我家屬王即施無畏不聽殺

鴈雜寶藏經

和州歷陽淪為湖昔有書生遇一老姥姥待之厚生謂

姥曰此縣門石龜眼出血此地當陷為湖姥後數往見

之門吏問姥故姥具答之吏以朱點龜眼姥見遂去

北山顧城遂陷焉今湖中有明府魚奴魚婢魚述異記

九華

九華先生李建勳以司徒致仕管別署於鍾山放意水

石或曰公欲復為九華先生耶答曰吾平生笑宋公輕

出處何至效之九華安妃神仙也九華山在池初名九

子李太白改為今名九華燈西京雜記元日燃九華於

終南山下九華丹真誥太玄玉女有八瓊九華之丹又

退之貶潮州行至商山泥滑雪深忽見外生拜勞曰師

在此山不得遠去問其師曰洪厓先生也東園公方使

柔金水玉作九華丹候火精微難於暫舍揮淚別去九
華玉西京雜記高祖斬蛇劍有七彩珠九華玉以為飾
雜廁五色琉璃為匣劍在室中光景猶照於外開匣拔
鞘輒有風聲十二年一磨九華衾王侯所用者鮑昭行
路難云奉君金卮之美酒玳瑁玉匣之瑤琴七乘芙蓉
之羽帳九華蒲萄之錦衾九華臺三國時魏武作九華
樓杜牧有九華樓詩晴光艷艷含淺沙高低遠郭帶秋
花是也九華帳王維洛陽女兒行寶扇迎歸九華帳九
華殿崔興宗賜櫻桃詩朱實初傳九華殿又李頎送康
洽詩柳色偏濃九華殿九華觀陳子昂登九華觀詩白
玉仙臺古丹丘別望遙是也九華扇曹子建有賦序云
昔吾先君常侍得幸桓帝賜扇不方不員其中結成文
名曰九華是也九華半臂青陽記關文衍為散騎常侍
畫九華山圖於白綾半臂自云令吾此身常在雲泉之
內菊亦名九華淵明九日閑居詩序秋菊盈園持醪靡
由空服九華是也茶亦有九華李德裕謝故人寄茶詩
云劍外九華英緘題丁玉京

北魏太武二年起九華堂

九華室元和中處士伊祁玄解緝髮童顏上知其異人
密召入宮處九華之室設紫菱之席飲龍膏之酒

杜陽雜編

杜荀鶴自號九華山人有詩名大順初擢第授翰林學士

上清真人呼日月為太寶九華見雲笈七籤

道藏有九華經

壺中九華湖口李正臣所畜石東坡名以一方勺曰予不及見之但嘗詢正臣所刻碑本雖九峰排列如雁齒不甚峭崿而石腰有白脉若束以絲帶此石之病不知何酷愛之欲買之百金子恐詞人筆力有餘多假借物象以發文思為後人詭異之觀乎

鳥雙名

雙危危言載鳥之雙名者青丘灌灌又鷓鷯崇吾蠻蠻萊山羅羅又鷓鷯周周行扈喙喙余攷鳳名是足麟名舛舛薛道衡文所謂足足懷仁舛舛擾義是也鷓鷯或謂之鳴鳴見方言冠雉泱泱即鷓鷯也秩秩無雉如雉而黑燕燕玄鳥也見爾雅老扈鷓鷯見左傳註○危言萊山作藥山似誤灌灌或作濩濩其狀如鳩佩之不惑蠻蠻狀如鳧一翼一目相得乃飛爾雅作鷓鷯危言以鷓鷯為灌灌之別名亦誤禽經鷓鷯之智不如鷺周周之智不如鴻韓子曰鳥有周周者首重而尾屈將欲飲於河則必顛乃銜羽而飲今人之所有饑不

足者不可以不愛其羽也

來來李歸唐惜養來來歲月深言失鷓鴣也王建失却來來三日哭言失釵也

鷓鴣鷓也一名野鳥形似鴨而小江東呼為鷓鴣見詩

韻音釋

狹狹郭璞曰今江東通呼貉為狹狹注詩

咭咭爾雅翼鷓名咭咭咭咭鶴也五色線又有堯堯其

聲自號形似鷓鴣

雙雙公羊注雙雙之鳥

蘆甲甲伏卵草澤中惡姑乘其出易以已卵至化焉

則皆惡姑也於是惡姑所在甲甲群而逐之獵者

惡姑係其足而膠其索設於蘆葦中甲甲來膠不得解

併而取之玄亭開話

獸雙名

獸雙名者招搖徃徃姑逢徹徹空桑軫軫泰山狎狎秦

獸辣辣霍山朏朏放臯文文又南海猩猩北海蜚蜚余

攷山海經譙明之山有獸狀如貍而赤豪名曰孟魂其

音如榴榴然則榴榴亦獸也又枸狀之山有獸曰從從

徑山有獸曰倏倏踰隅之山有獸曰精精北海又有青

獸曰羅羅南海之外有三青獸相并曰雙雙叔歆國有

黑蟲如熊曰猎猎若蛭蛭北海之素獸也即所謂蛭蛭
距虛者狒狒如人被髮迅走食人見爾雅大傳曰成王
時周靡國獻之周書曰州靡鬣鬣者人身反踵自笑笑
則上唇掩其面郭璞曰梟羊也海內經謂之贛今南康
有贛水以有此物因以為名俗呼之曰山都○狝狝伏
行人走食之善走棘棘三角一目目在耳後從從如犬
六足狢狢狀如豚而有珠軫軫音靈見則天下大水微
微音敵見則大旱微微音攸狀如馬羊目四角牛尾見
則國多狡客肫肫如狸白尾有鬣養之可以已憂文
狀如蜂枝尾反舌善呼放臯或作牧或作効危

仙言軫軫作軫軫亦誤

狒狒王會圖作費費王會圖又有生生都郭所貢若黃
狗人面能言

雲南蠻人呼虎亦為羅羅見天中記

萬萬善知生死飲其血則見鬼草本又說文禺禺猴屬獸
之愚者

霄霄瓜哇國山中多猴不畏人呼以霄霄之聲捉以果
大猴二先至土人謂之猴王猴夫人食畢群猴食其餘

出韻府續編

食具雙名

楚楚于寶司徒儀曰祭用楚楚晉制呼為椶餅又曰寒
具今日饑子桓玄蓄法書名畫冠絕一時方食寒具有
客至不復拭手出以示之故多染汚東坡題古畫云上
有桓玄寒具油

亭雙名

江西古諭蕭太山好奇之士也名其堂曰堂堂堂軒曰
軒軒軒亭曰亭亭亭陳越侍郎提舉江西日蕭邀飲徧
歷亭館以觀其扁至一洞公因戲之曰此何不名曰洞
洞洞蕭為不憚三柳軒雜識

堂雙名

陽公非非堂記曰是是近乎謔非非近乎訛不得
過寧訛毋諂坡翁為劉壯輿作是是堂詩云非非義之
屬是是仁之徒非非近乎訛是是近乎諛用脩曰永叔
此言非君子之言也誠取退之原毀一篇觀之其立心
之公私高下何如自此說一倡則萋菲貝錦何所不至

魚雙名

魚雙名者剛山蠻蠻洛水庸庸揚州禹禹余攷山海經
剛山之尾洛水出焉而北流注于河其中多蠻蠻其狀
鼠身而鱉首其音如吠犬不言魚亦不言何物他例言
魚則曰中多冉遺之魚或曰其中多鯨魚然魚之雙名

者亦不止此如涿光山鰓鰓之魚少成山鮐鮐之魚豈
踵山鮐鮐之魚俱見山海經庾氏穴池養魚以木為
欄登之者其聲堂堂每憑欄投餌魚必踴躍而出辛氏
之池出不投餌但聞策策之聲魚亦出是庾氏之魚可
名堂堂辛氏之魚可名策策見化書○鰓鰓音褶狀如
鵠十翼鱗在羽端其音如鵠可以禦火鮐鮐之魚食之
殺人危言洛水當作食木山海經曰檄蠹之山北臨乾
味食水出焉其中多鱣鱣之魚狀如犁牛音如羸鳴給
給狀如鯉而六足鳥尾其鳴自叫

禹禹按相如賦禹禹鮐鮐郭璞曰此目魚狀似牛脾曰
鱣鱣色兩相合乃得行

蟲雙名

蟲亦有雙名者螻蛄名蜻蜻見詩經註螻蛄或謂之蚌蚌
見方言混胎丈人攝魔還精符曰螟蛉之子蝦目蟹腹
即即周周兩不相極是謂體同而氣異山海經有蛭名
蛭蛭各有兩首郭璞註虹蜺蜺也音薛隊隊形如壁虱
生有定偶斯須不離西南夷緬甸諸國多有之夷婦有
不得于夫者飼于枕空中則其情自治合土官目把富
夷之妻皆不吝金珠易之見遊宦餘談

山雙名

山雙名者亭亭雲雲夫夫山海經云夫夫之神于兒居之手操兩蛇常遊於江淵

國雙名

外國雙名者孺孺丹丹丹丹國出辟寒香漢武時入貢每至大寒於室焚之暖氣翕然自外而入人皆減衣記

一統舊志貴州夷人種類非一一曰羅羅

史記宋世家西伯昌滅仇仇國徐廣曰音者

後周書外戚傳突厥滅茹茹之後盡有塞表之地

近漳南商船有往汶汶者亦海外小國名

草木雙名

迷迷唐志迷迷香出西域魏文帝有迷迷賦古詩氍毹

吾水香迷迷艾納及都梁攝攝爾雅楓攝疏山海南荒

經云有宋山者木生山上名曰楓木楓木蚩尤所棄其

桎梏註云即今楓香樹也

鎖鎖葡萄今關中有此菓味似葡萄而小

鎖鎖田紇野馬川有木曰鎖鎖燒之其火經年不滅且

不作灰彼處婦女取根製帽入火不焚如火鼠布云見

輟耕錄○此疑別是一木非生葡萄者

男子雙名

男子雙名者甚少偶又得一人黑黑唐太宗時西域
進一胡善琵琶上每不欲蕃人勝中國乃置酒高會使
羅黑黑隔帷聽之一遍而得謂胡人曰此曲吾宮人能
之遂于帷下令黑黑彈之胡人謂是宮女也驚嘆辭去

西國聞之降者數十國見太平廣記

和和唐代國公主適榮陽鄭萬鈞無子僧和和謂萬鈞

曰遺我三千匹絹主當生兩男萬鈞如言施之公主遂

娠年初歲終各誕一子出紀聞錄

開元時有僕僕先生者自言姓僕名僕東坡有僕僕先

生贊

陶八八以碧霞丹授顏魯公曰七十上有厄如有自

後魯公為盧杞所陷縊死希烈敗返葬貌如生編身金

色瓜甲出手背鬚髮皆長數尺後有齊人遇之于羅浮

山寄書至偃師顏氏守塋者曰此先太師親翰書蠶頭

馬尾真得仙也續博物志

飛飛建中初士人韋生遇一僧于汝州呼其子飛飛出

見令韋生斷之捷若猿猴彈丸盡不復中僧曰郎君證

成汝為賊也酉陽雜俎

落落李克用子見梁祖傳

張天覺詩土木形容殷七七水雲情性許閒閒殷七七

名文祥嘗自稱七七

元丞相谷麻第雪雪為御史大夫

張三丰字玄玄余遊武夷山至雲窩有一隱者出迎自稱吳借借能詩亦能書居山中十五年矣不知何地人也借借之名亦佳

女子雙名

女子又有張紅紅善歌舞每聽歌聲一遍即記節奏入

宮號記曲娘

見樂府

樂天詩蘇家小女名簡簡張祐妾亦名燕燕東坡詩子歸來燕燕忙

危言張虞卿妓英英按英英楊虞卿小妓曰張誤徽宗義妓毛惜惜按一統志毛高郵妓也端平初別將榮全據高郵以叛制置使遣人招之不聽全與同黨王安等宴飲惜惜耻於供給安斥責之惜惜曰初謂太尉降為太尉更生賀矣今乃閉門不納使者乃叛逆耳妾雖賤妓不能事叛臣全怒遂殺之後人為立廟此妓中所最難得者因錄出之

陶館公主名施施宣帝長女成帝姑尚于定國子永見本傳李翱文有高姝姝七歲死節太常謚之曰愍姝姝父濮陽守彥昭也詳翱碑中弁州于女子雙名載之詳

矣乃施施帝女妹妹烈女而不及何耶

元余忠宣女安安同母蔣氏死于井

見張繼死節記

唐李當當名妓也姿藝超流翻然若有所悟遂着道士服有段天祐贈詩曰歌舞當年第一流洗粧拭面別青樓便隨南嶽夫人去不與蘇州刺史留璠館月明蕭鳳下綺窓雲散鏡鸞收却嫌癡絕滄陽婦嫁得商人已白頭

真真危言云沈將軍妾不知所出麗情集有柳將軍妓

唐太常博士鄭還古寓東都與柳將軍同巷鄭調西都

柳設宴錢行出家妓歌樂以送內有一妓嬌美鄭見之

春戀不息柳謂鄭曰此沈真真本良家女頗能文辭

公一詩以定情好候公拜命即當送賀公欣然賦之云

洞房出神仙清聲當管絃詞輕白苧調歌揭碧雲篇既

未生裴秀何妨乞鄭玄不堪金谷水橫過墜樓前柳公

大喜俾真真拜謝鄭公至京拜伊闕令乃書寄柳柳即

送真真赴約鄭既見執手而喜曰柳公信人也長吁一

聲絕然而卒不得合好真真守節終身危言豈因沈姓

而悞耶抑別有沈將軍耶

唐文宗御宴宮妓舞河滿子是沈翹翹其詞云浮雲蔽

白日文宗曰汝知書耶此是文選第一首念君臣值奸

邪所蔽正是今日乃賜金玉環遂問其由翹翹泣曰妾
本吳元濟女自因國亡沒入掖庭易姓沈因配樂籍本
藝方響乃白玉也以響為槌紫檀為架制度精妙
國所出以賜妾也乃奏梁州曲音韻清絕上喜謂曰卿
欲歸宮禁欲適人翹翹不對上知其意乃選金吾判官
秦誠聘之出宮之夕宮人伴送花燭之盛皆自天恩數
年之後誠使日本久而不歸翹翹執王方響登樓自為
一曲名憶秦郎聲音悽愴方響應二十八調

唐宋遺史

神雙名

人身中神雙名者三部一其中有神人衣赤衣長九寸
冠力德之冠着絳瑞之幘名曰响响肝中神人衣青
長八寸名曰藍藍膽中有神人長三寸衣白衣名護護
脾中神人衣黃衣長六寸名裨裨胃中神人衣赤衣長
伍寸名旦旦腎中有白人長四寸名漂漂見太清真人
絡命訣

别名

韭生於陸謂之草鍾乳芡生於水謂之水硫黃性皆煖

宜衰老者服之

博物志補

石菖蒲生石磧上一名昌陽凝之以層冰曝之以烈日
歲寒猶青葱可愛本草云服之可以輕身韓退之故曰

昌陽引年也

博物志補

牛亭曰芍藥一名將離人欲相離則贈之以芍藥也文無一名當歸相招召則贈之以文無也丹棘一名忘思欲忘人之憂則贈之丹棘也青裳一名合歡欲蠲人之忿則贈之以青裳也

博物志補

杜蒙一名黃昏后山詩黃昏湯即此

附子一名溪毒見意林

說文解豉字云配鹽幽菽也三倉解龍字云龍冥果青

色也蓋豉本豆也以鹽配之幽閉於甕盎中所成故曰

菽冥果蜜煎果也以銅青浸之加蜜於缶中故曰

果幽菽冥果取名于幽冥見其與生菽生果異也

忽雷鰐魚也見洽聞記又因鰐魚吼聲稱琵琶故樂府

雜記有大忽雷小忽雷

博物志補

水居一名魚伯大水有之狀如人乘馬衆魚為之導從

漢末有人於水際見之人馬皆有鱗甲如大鯉魚但其

手足耳鼻極似人也

博物志補

率然巨蛇也物觸之中首則尾至中尾則首至中其中

則首尾俱至故孫子以比將之三軍果然獸類也人取

一果然則數十可至古人以比人心薄俗有不如者率

然見山海經云出常山果然見國史補云出揚州

莊子適莽蒼者三飡而反腹猶果然吳錄地理志云九
真浦耳縣有獸名果然後貌也南州異物志云交州以
南有果然獸其名自呼尾長過其頭脅邊班文皮集十
餘可得一蓐繁文麗好細厚溫煖姚令威曰魏鍾毓有
賦余讀我朝王文簡公淮應制賦果然則云娑羅之國
溟海東茲物於世不常有

肅然山名見武帝紀

不借草履也不托卽餽飪粉食也俱見方言螳螂一名
不過見禮記月令註䟽不周風也易緯立冬不周風不
尊莊子羊奚化乎不尊不律筆也不其山也亦縣名如

漢書注曰不其山名因以為縣不夜城名亦縣名卽
今文登縣不來漢書封禪書注狸一名不來不更秦爵
四言不預更卒之事也左成十七年麻隧之戰晉獲秦
成差及不更女父不而不韋皆縣名漢地理志樂浪郡
有不而縣古哀牢國漢武帝於此置不韋縣不第姓也
潛夫論宋不第氏不韋不空不惡皆人名不空梵僧玄
宗時泥龍止雨者平紀有劉不惡不洛酒器也樂天送
春詩銀花不洛從君勸馮王家有水晶不落一隻見清
異錄

李賀為白玉樓記集僊傳王母所居龜臺有玉樓記又

道家以兩肩為玉樓日為銀河故坡詩凍合玉樓寒起
粟光搖銀海眩生花○乾熙子裴鈞大宴有銀河受一
斗飲器也

楚莊王時有乞食翁歌曰天庭發雙華仙源彰陰邪清
晨按天馬來詣太真家獨宋來子疑其僊人追逐十二
年此翁授以中仙之道乞食翁乃西嶽真人馮延壽也
手為天馬鼻為仙源註

爾雅云駒小馬也蟻曰玄駒夏小黑鯉曰玄駒古今

夜光
鄒陽傳夜光之璧古今注螢火一名夜光淮南子月名

魚腸金母之名
列子韓娥歌音繞梁樂書繞梁樂器也與笙篪相似宋

武帝大明中沈懷遠為之懷遠亡其器亦絕矣又楚莊
王琴名繞梁

古今注莫難珠色黃出東夷鄴中記弱之奇巧者名莫
難

胡柈仁曰蝦蟆見酉陽雜俎

夏小正十月雉入於淮為蜃注蜃蒲盧也詩果臝負之
註果臝蒲盧也中庸夫政也者蒲盧也沈存中曰蒲葦

夫容

盧照隣詩相邀俠客芙蓉劍共宿娼家桃李蹊越絕書
薛燭說劍云揚其華如芙蓉始出觀其鉞如列星之行
山峯亦名夫容

辛夷

木筆名辛夷芍藥一名辛夷山海經

肥遺

大華山有蛇名肥遺見則大旱英山有鳥亦名肥遺人
之已癘

鳩

食蛇者名鳩食蜚者亦名鳩山海經瑤碧之山有鳥名
鳩狀如雉食蜚

硯

月中仙名結隣硯亦名結隣唐李衛公收硯至多其尤
妙者名結隣言與相結為隣也拾遺總類太公金匱書曰石
墨相着邪心讒言毋得汗白硯其來尚矣

稱名

沈休文山陰柳家女詩還家問鄉里詎堪持作夫鄉里
謂妻也南史張彪傳云我不忍令鄉里落他處王魏郎
雜箴云家人有嚴君馬井竈之謂也是以父喻井竈故

東坡答陳季常書云在定日作松醪賦一首今寫寄擇
等庶以發後生妙思看鞭一躍當撞破烟樓也鄉里稱
妻井竈喻父甚奇

史封禪書神君者長陵女子以子死見神於先後宛若
宛若祠之其室孟康曰兄弟妻相謂先後宛若索隱曰
今妯娌也楊慎曰先後兄弟妻宛若其名也

古樂府藁砧今何在藁砧喻夫也

呼妻父為泰山一說云泰山有丈人峰一說云開元十
三年封禪于泰山三公以不例進一階張說為封禪使
說婿鄭鑑以故自九品驟遷至五品兼賜緋因大酺宴
明皇詢問之無可對伶人黃幡綽奏曰此泰山之力也
今人乃呼岳翁又有呼妻母為泰水呼伯叔丈人為列

岳謬誤逾甚

晁氏
客語

東坡生日子由婿王郎以詩賀云竭來冰叟來遊宦蓋
衛玠妻父樂廣有重名時謂婦翁冰清女聳玉潤故云
史記齊世家云齊王與舅父駟鈞陰謀發兵索隱云舅
父謂舅猶姨稱姨母舅父二字甚新入少用者

賔退
錄

古呼治獄叅軍為長流帝王世紀云少昊崩其神降於
長流之山於祀主秋秋官司寇主刑罰也故取秋帝所
居為嘉名

最能負舟水手之名子美有最能行長年舟子之稱蔡
夢弼曰峽中以舟師為長年舵工為三老子美撥悶詩
長年三老遙憐汝

糯米

王君玉琪金陵飲酒詩云蜀江浪雪來天際一派泉春
寶釵碎蓋謂水碓舂金釵糯米也金釵乃糯米之名

擁劍

何遜詩云躍魚如擁劍孟浩然詩云游魚擁劍來姚令
威曰擁劍彭蠡之類一螯偏大故名非魚也

弩矢

金僕姑矢名魯莊公以金僕姑射南宮長萬踰踳弩名
見晉令黃間亦弩名晉灼曰黃肩即黃間大者曰大黃
見李廣傳

醫盛弓弩矢器也國語曰兵不解醫於計切
竿矢服後漢禮儀志

相如傳右夏服之勁箭伏儼曰服盛箭器也夏后氏之
弓名繁弱其矢亦良即繁弱之箭服也

漢書輿服志抱弩負簡如淳曰簡盛弩箭服也風俗通
曰箭箠謂之步于實曰今謂之步义左氏謂之冰注曰
積丸也廣韻謂之鞬邢凱曰杜預以冰為箭箭初疑其

不然及觀詩大叔于田抑釋胡忌注棚音冰所以覆矢也馬氏云積圓蓋也今韻畧注云箭房之蓋棚通作冰乃知預之說為有據也

箭箠箭室○率皮篋盛弩也音服張安世傳

西都賦招白間下雙鵠揄文竿出公日風俗通曰白間古弓名

晉書載記贊角端掩月步搖翻霜按角端謂弓也李陵遺蘇武角端弓知胡人以角端弓為貴耳步搖者慕容也初莫護跋入居遼西燕代名冠步搖諸部囚目之為步搖後訛為慕容因以為氏焉

甲冑

鞞鞞冑名即兜鍪

犀渠甲名左思賦戶有犀渠闕碧之甲見說文註

幡

吳都賦建祀姑注幡名麾旗屬○整張旗名左傳取公之整張以先登

唐詩春樓不閉歲雜鎖又望見歲雜舉翠華歲雜旗名鹵簿中亦有之孫氏瑞應圖云歲雜瑞草王者禮備至則生今之字書例解為草木之狀未得其原也

鞞捍

鞞鼓廓也見月令脩鞞鼓注枹斧柯也齊人謂斧柯為枹

夷庚

文選補亡詩蕩蕩夷庚李善注夷常也辨亡論旋皇輿於夷庚注引繁欽辨惑吳人以船楫為輿馬以巨海為夷庚夷庚者藏車之所左傳成十八年披其地以塞夷庚正議謂平道也二字出於此選注誤

樽

柳夔樽也曹植詩我有柳夔瓢藤輪車也謝鮑詩花邊引藤輪

綠沉

綠沉事人多不知老杜云雨拋金鎖甲苔卧綠沉槍又皮日休竹詩云一架三百本綠沉森真真始知竹名矣又見吳淑事類弓賦云綠沉亦復精堅引廣志曰綠沉古弓名又引劉劭趙郡賦曰其器用則六弓四弩綠沉黃間堂溪魚腸了令角端侯鯖錄

秒忽

元元本本數始於一產氣黃鍾造計秒忽秒禾芒也忽蜘蛛網細者也

衣船

良耶卒編

襟紐為衣船杜詩天子呼來不上船桃笙為簟柳詩蒲扇桃笙安可常方言簟宋魏謂之笙自開而西謂之蒲其簾者謂之簟條

落霞

王勃作滕王閣序中間有落霞與孤鶩齊飛秋水共長天一色之句世率以為警聯然而落霞者乃飛蛾也即非雲霞之霞今人呼為霞蛾至若鶩者乃野鴨也野鴨飛逐蛾蟲而欲食之故也所以齊飛若雲霞則不能飛也見吳獬事始解勃文殊可笑茲錄之特以見飛蛾名落霞耳

栝落箸筍

栝落盛栝籠或謂之豆筍箸筍陳楚宋魏之間謂之筍謂之籩炊籩鹿米謂之縮或謂之籩藪或謂之匠旋籩陳楚宋魏之間謂之墻居確機自關而東謂之挺確或謂之硬皆方

筍

葦方筍靈帝建寧中京都長者皆以葦方筍為粧具下士盡然時有識者竊言葦方筍郡國讞篋也今珍用之此天下人皆當有罪讞於理官也

襍

襍涼笠也以竹為胎蒙以帛若涼傘簷戴此以遮日

程曉伏日詩今世樵櫛子觸熱到人家

金吾

棒者崔正融注車輻也漢朝執金吾金吾亦棒也以銅為之黃金塗兩足御史大夫司隸校尉亦得執焉形似輻故曰車軸曹操為洛陽北部尉乃懸五色棒于門以威豪猾馬縞中華古今注

錠

燈一名錠無足曰燈有足曰錠見呂靜韻集

竿

竿一名魚鬚子虛賦靡魚鬚之曲旃注魚鬚竿也

聚雪

陸魯望幽居賦著名聚雪琴號落霞

瑤貺

巫覡號曰瑤貺見本草不知其解覡音隙

僚風驚月

僚向也二者鳥鵲之類駱丞詩僚風帝迴日驚月達疏枝

喚起催歸

二鳥名韓退之詩喚起窓全曙催歸日未斜

鬱郁釐來

魯魚亥豕點畫易訛鬱郁釐來聲音易亂史記杞世宗
平公鬱立索隱曰一作郁釐譙周云名鬱來蓋鬱郁釐
來聲相近也

繫迷

繫迷駁馬無當於車按檀材可以為車檀與繫迷相似
又似駁馬故里語曰斫檀不諦得繫迷繫迷尚可得駁
馬梓榆繫迷一名挈榼

琅邪代醉編卷之八終

